



Fréttabréf miðstjórnar Sjálfstæðisfloksins 1963, fyrri hluti

Bjarni Benediktsson – Stjórnmál – Ritlingar, úrdráttur úr fréttabréfum Miðstjórnar Sjálfstæðisfloksins, (ein- og tvíblöðungar) 1963

Tekið af vef Borgarskjalasafnsins

bjarnibenediktsson.is

Einkaskjalasafn nr. 360
Stjórnmálamaðurinn
Askja 2-41, Örk 4

ÁVARP formanns Sjálfstæðisflokkssins

Fréttabréfi því, sem nú hefur göngu sína, er ætlað að koma í stað trúnaðarmannabréfanna, sem áður fyrri voru öðru hvoru send frá miðstjórninni, en nú hafa allengi legið niðri. Reynslan verður að skera úr um það, hversu oft Fréttabréfin verða send, en leitast verður við að gera það nokkurn veginn reglulega og þó oftar, þegar mikið liggur við og eitthvað sérstakt er í fréttum en ef allt er með kyrrum kjörum.

Þess er ekki að vænta, að í bréfunum verði skýrt frá neinum leyndarmálum, heldur verður þar safnað handhægum upplýsingum, sem gott er að hafa á takteinum. Mestu máli skiptir, að menn geti treyst því, að rétt sé frá skýrt, svo að þeir geti örugglega byggt sínar eigin skoðcnir á þessum gögnum og stuðst við þau í málflutningi fyrir flokkinn.

Vonandi verða ýmsar upplýsinganna þess virði, að vert sé að halda bréfunum saman, svo að þau geti smám saman orðið að handbók fyrir baráttumenn flokkssins. Góður málstaður stoðar ekki, nema fylgjendur hans séu Júsir til að berjast fyrir honum. Fréttabréfunum er ætlað að verða vopn í þeirri baráttu.

Bjarni Benediktsson

Stefnubreyting í skattamálum

Í tíð núverandi ríkisstjórnar hafa róttækar breytingar verið gerðar á skattalögum landsins. Endurskoðun skattalaga var framkvæmd í tveim aföngum. Árið 1960 voru skattar á almenningi stórlækkaðir og 1962 var skattlagning fyrirtækja endurbætt.

Gunnar Thoroddsen, fjármálaráðherra, segir, að tilgangurinn með endurskoðun skattalaganna hafi verið:

„Að létta skatta á almenningi, að örva atvinnulifið, auka þjóðartekjurnar og bæta á þann hátt lífskjörin, — draga úr síðspillingu skattsvikanna og hvetja menn með sanngjarnri löggið til löghljóðni, einnig á sviði skattaframtala. Allt er þetta nú í réttum farvegi, og ríkissjóður nýtur einnig góðs af, því að hin réttari framtöl hafa þegar skilað meiri skatttekjum en fjárlög gerðu ráð fyrir, þrátt fyrir lækkun skattstiganna.“

(Vísir 3. okt. 1962.)

Hvað var gert til að ná þeim tilgangi, sem að var stefnt?

Árið 1960:

1. Afnuminn með öllu tekjuskattur af hreinum tekjum einstaklings undir 50 þús. kr. og hjóna undir 70 þús. kr. og hækkaðar skattfrálsar tekjur hjóna um 10 þús. kr. fyrir hvert barn. Má segja að með þessu hafi tekjuskattur verið algörlega afnuminn af venjulegum launatekjum, nema að því leyti, sem nauðsynlegt þótti til jöfnunar á aðstöðu manna vegna mismunandi framfærslubyrði. (Lög nr. 18/1960.)

2. Í stað tveggja skattstiga fyrir einstaklinga og hjón, var settur einn skattstigi, sem rís í fyrstu nokkuð örar en áður var, en að öðru leyti er skattstiginn mjög svipaður þeim eldri. Vegna hins riflega, skattfrálsa persónufrádráttar lækkuðu þó skattar af öllum tekjum mjög verulega. Með þessu var náð þeim tilgangi, að óhófleg skattlagning dragi ekki úr vilja manna til framtaks og vinnusemi. (Lög nr. 18/1960.)

3. Breytingin á lagaákvæðum um tekjuskatt leiddi óhjákvæmilega til þess, að einnig varð þegar að gera breytingar á ákvæðum um niðurjöfnun útsvara, sem meðal annars tryggði það, að sveitarfélög in gengju ekki lengra en góðu hófi gegndi í því að taka til sin í útsvör þær lækkanir, sem urðu á tekjuskattinum. Þess vegna var ákveðið, að útsvör yrðu lögð á eftir lögfestum reglum í stað þess, sem áður var, að niðurjöfnun færi eftir eftum og ástæðum. Þá voru og greidd útsvör gerð frádráttarhæf við útsvarsálagningu. (Lög nr. 43/1960.)

Árið 1962:

1. Skattstigi félaga til tekjuskatts lækkaði úr 25% í 20%. (Lög nr. 70/1962.)

2. Skattfrjáls framlög í varasjóð hlutafélaga hækkuðu úr 20% í 25%. Sameignarfélög fengu nú 25% varasjóðshlunnindi, en höfðu engin áður. Hins vegar lækkuðu skattfrjáls framlög samvinnufélaga og útgerðarfélaga úr $33\frac{1}{3}\%$ í 25%, en jafnframt voru útgerðarfélög leyst undan skyldu um framlag í nýbyggingarsjóði sina. (Lög nr. 70/1962.)

3. Heimiluð var útgáfa jófnunarhlutabréfa til leiðréttингар við rétt verðmæti hlutafjár, án þess að skattskyld sé hjá hluthöfum. (Lög nr. 70/1962.)

4. Arðsfrádráttur hlutafélaga hækkaði úr 8% í 10% af hlutafjáreign. (Lög nr. 70/1962.)

5. Veltuútsvar var afnumið. Í þess stað var ákveðið aðstöðugjald, sem miðast við reksturskostnað, og landsútsvar, sem lagt er á ýmis ríkisfyrtæki og ólífelögini. (Lög nr. 69/1962.)

6. Heimilað var að flytja tap á rekstri félaga og einstaklinga á milli 5 áramóta í stað 2ja áður. (Lög nr. 70/1962.)

7. Ákveðið var, að einstakar gjafir til menningarmála, vísindalegra rannsóknarstofnana, viðurkenndrar líknarstarfsemi og kirkjufélaga, allt að 10% af skattskyldum tekjum gefanda, skyldu dragast frá skattskyldum tekjum. (Lög nr. 70/1962.)

8. Lögfest var, að kostnaður við bækur, tímarit og áhöld til vísindalegra starfa skuli draga frá skattskyldum tekjum. (Lög nr. 70/1962.)

9. Leyfður var frádráttur frá skattskyldum tekjum á vöxtum af byggingarskuldum meðan hús er í smiðum. (Lög nr. 70/1962.)

10. Heimilað var, að námskostnaður, sem stofnað er til eftir 20 ára aldur, megi draga frá skattskyldum tekjum næstu 5 ár eftir að námi er lokið. (Lög nr. 70/1962.)

11. Frádráttur frá skattskyldum tekjum var leyfður á aðstöðugjaldi og eignarútsvari. (Lög nr. 70/1962.)

12. Skattstiga einstaklinga til eignarskatts var breytt þannig, að ávallt er 100 þús. kr. eign skattfrjáls. (Lög nr. 70/1962.)

Hér hefur verið getið helztu nýjunga, sem felast í breytingum á skatta- og útsvarsþögum. En auch þessa hefur verið gerð gjörbylting á sjálfi framkvæmdarkerfi skattalaganna.

Afnumið hefur verið:

- 1) 219 skattanefndir,
- 2) 10 skattstjóraembætti,
- 3) 24 yfirskattanefndir.

Í staðinn hefur komið:

- 1) 9 skattstjóraembætti,
- 2) 1 ríkisskattstjóraembætti.

Tilgangurinn með breyting framkvæmdarkerfisins er að samræma og gera öruggari alla framkvæmd skattalaganna og ódýrari en áður var.

Ólöglegt Alþýðusambandsþing

Dagana 19.—23. nóv. sl. var haldið 28. þing Alþýðusambands Íslands. Hefur þing þetta orðið frægt að endemum fyrir lögleysur og ofbeldi, sem kommúnistar og Framsóknarmenn beittu löglega kjörna fulltrúa á þingið frá Landssambandi íslenzkra verzlunarmanna. Var hér að vísu fram haldið þeirri stefnu undanfarinna ára að útiloka þessa aðila frá þátttöku í heildarsamtökum verkalýðsins. Hafði Lands-sambandi íslenzkra verzlunarmanna stöðugt verið synjað inngöngu í Alþýðusambandið. En á síðastliðnu vori höfðaði Landssambandið mál fyrir Félagsdómi og gerði þær dómkröfur, að Alþýðusambandi Íslands yrði dæmt skyld að veita því inngöngu í Alþýðusambandið með fullum og óskertum félagsréttindum, sem stéttarfélagasambandi.

Félagsdómur kvað upp dóm sinn viku fyrir Alþýðusambandsþing eða 12. nóv. sl. með því dómsorði, að Alþýðusambandinu var gert skyld að veita Landssambandinu inngöngu í sambandið með fullum og óskertum réttindum.

Mikill meiri hluti Alþýðusambandsþings staðfesti í atkvæðagreiðslu, að hann vildi hlíta dómi Félagsdóms. En kommúnistar undu ekki úrslitunum og komu í veg fyrir það í framkvæmd með dyggri aðstöð Framsóknarmanna og tókst þannig að brjóta lög og rétt. Fyrir hönd þeirra, sem fara vildu að lögum, var gefin eftirfarandi yfirlýsing á þinginu:

„Á síðasta þingfundi gerðist sá atburður, að löglega kjörnum fulltrúum Landssambands íslenzkra verzlunarmanna var meinaður atkvæðisréttur hér á þessu þingi, þrátt fyrir að mikill meirihluti þingsins hafði áður staðfest inngöngu LÍV í Alþýðusambandið.

Sú gerræðislega ákvörðun að svipta fulltrúa LÍV lögmætum rétti var tekin á umræddum fundi með 26 atkvæða meirihluta. Á sama tíma er 30 lögmætum fulltrúum meinað að hafa áhrif á gerðir þingsins.

Sá „meirihluti“, sem hér hefur myndatz, er því til orðinn i krafti athafna, sem ekki eiga sér neinn stað í lögum ASÍ, né heim venjum, sem skapazt hafa við afgreiðslu körbréfa á þingum sambandsins. Hinn svokallaði meirihluti þessa þings er því fenginn með heim hætti, sem ekki er unnt að viðurkenna né láta ómótmælt.

Um leið og við mótmælum þessum vinnubrögðum „meiri-

hlutans“ lýsum við yfir því, að við teljum þessar og síðari gjörðir hessa bings, þar á meðal væntanlegt stjórnarkjör, ólögglegar, þótt við höldum áfram þáttöku í pingstörfum til þess að reyna að spyrna gegn frekari misbeitingu valds af hendi hins vafasama meirihluta, er skapazt hefur á pinginu.“

Lexía í marxistískum fræðum

Í sameiningu tókst Framsóknarmönnum og kommúnistum að koma í veg fyrir, að fulltrúar Landssambands íslenzkra verzlunarmanna hefðu fulltrúaráettindi á síðasta Alþýðusambandsþingi samkvæmt dómi Félagsdóms. Peir stefndu að sama marki og náðu árangri þeim, sem báðir vildu. En þá greinir á í vissum skýringaratriðum. Kemur þá í ljós, að enn getur Framsókn orðið fótaskortur á hinu marxistiska kenningakerfi. Enn bögglast fyrir Timanum gamlar villukenningar um lög og rétt — að vísu bara fræðilega, en ekki í framkvæmd. En úr þessu skal verða bætt.

Pjóðviljinn gefur eftirfarandi lexíu í forystugrein 23. nóv. sl.:

„... Timinn heldur því hins vegar fram, að slikum dómi verði að hlita, þótt blaðið viðurkenni, að hann stangist við lög og stjórnarskrá; að hlýða dómum sé „einn af hyrningarsteinum réttarrikis“. Réttarriki byggist ekki á slikri hlýðni, heldur hinu, að dómstólarnir kveði upp réttláta dóma í samræmi við lög og stjórnarskrá. Dómstólar eru fallvaltir ekki síður en annað, og það þarf ekki mikla þekkingu á mannkynssögu til að vita, að þeim hefur oft verið misbeitt til þess að afnema raunverulegt réttarriki og frelsi þegnanna. Þegar slikt gerist, er það ekki aðeins réttur, heldur og skylda þegnanna að risa gegn óréttinum og hnekkja honum; í stjórnarskrá ýmissa ríkja er sá réttur tilgreindur með öðrum frelsisákvæðum.“

Afstaðan til Efnahagsbandalags Evrópu

Stofnun Efnahagsbandalags Evrópu 1. janúar 1958 með hinum svonefnda Rómarsamningi 6 Vestur-Evrópuþjóða skapaði mikinn vanda fyrir okkur Íslendinga, eins og aðrar þjóðir, sem utan við samtökin standa. Fyrirhuguð þátttaka fleiri þjóða í bandalagi þessu eykur enn á vanda þann, sem við þurfum að mæta.

Á fundi sameinaðs Alþingis 12. nóv. sl. flutti *Gylfi P. Gíslason*, viðskiptamálaráðherra, skýrslu ríkisstjórnarinnar um afstöðuna til Efnahagsbandalagsins.

Viðfangsefni okkar Íslendinga er fólgιð í því, að

- 1) við þurfum að ná þeim viðskiptatengslum við Efnahagsbandalagið, sem eru okkur nauðsynleg;
- 2) fá tryggingu fyrir því, að jafnréttisákvæði Rómarsamningsins geti ekki orðið okkur að fjörtjóni;
- 3) finna lausn á þeim vandamálum, sem leiða af mikilli tollvernd viss hluta íslenzks iðnaðar, — og
- 4) leysa þann vanda, sem leiðir af tiltölulega miklum viðskiptum okkar við jafnkeypislöndin.

Ríki getur í grundvallaratriðum tengzt Efnahagsbandalaginu á þrennan hátt:

- 1) Með fullri aðild,
- 2) aukaaðild,
- 3) viðskiptasamningi.

Ríkisstjórnin telur fulla aðild ekki koma til greina fyrir okkur Íslendinga. Á hinn bóginn telur ríkisstjórnin ekki enn unnt að gera sér endanlega grein fyrir því, hvort stefna eigi að því, að tengsl Íslands við Efnahagsbandalagið verði á grundvelli aukaaðildarsamnings eða viðskiptasamnings (tollasamnings).

Í umræðum á Alþingi 14. nóv. sl. um skýrslu ríkisstjórnarinnar sagði **Ólafur Thors**, forsetisráðherra:

..... Við höfum kynnt okkur ákvarðanir og skoðanir vald-hafa bandalagsins, við höfum kynnt þeim þarfir og vandkvæði okkar Íslendinga, og við höfum forðast að binda hendur þjóðarinnar beint eða óbeint. Hygg ég, að allir, sem vilja samstarf við vestrænar þjóðir, muni að lokum viðurkenna og fagna því, að með þessu höfum við gert allt, sem í okkar valdi hefur staðið til að tryggja hagsmuni Íslands. Hitt er eðlilegt, að þeir, sem vilja rjáfa þau bönd, amist við öllu, sem gert er til að reyna að styrkja þau. —“ (Morgunblaðið 15. nóv. 1962.)

Lúðvík Jósefsson, formaður þingfloks Alþýðubandalagsins, sagði í umræðum um málið á Alþingi 14. nóv. sl.:

Fréttabréf miðstjórnar Sjálfstæðisflokkssins nr. 1. janúar 1963

„ . . . Að síðustu vil ég undirstrika, að við Alþýðubandalagsmenn erum algjörlega mótfallnir allri aðild Íslands að Efnahagsbandalagi Evrópu, jafnt aukaaðild sem fullkominni aðild, - - - erum við Alþýðubandalagsmenn mótfallnir því, að hv. ríkisstjórn sé í samningamakki við forráðamenn Efnahagsbandalagsins eða stofnanir þess og því teljum við að slikum samtölum eigi að hætta með öllu.“

(Þjóðviljinn 17. nóv. 1962.)

Eysteinn Jónsson, formaður Framsóknarflokksins, sagði 12. nóv. sl. í umræðum um málið á Alþingi:

„ . . . Ég tel, að markmið Íslendinga eigi að vera samningar um tolla- og viðskiptamál, án annarra tengsla við bandalagið. . . Loks vil ég leggja áherzlu á eftirfarandi meðferð málsins: Að nú verði ákveðið að biða átekta varðandi afstöðu Íslands til samninga við bandalagið. Að það þýði, að viðtöl um leiðir í málefnum Íslands og bandalagsins verði stöðvuð og ekki látin fara fram, fyrr en ríkisstjórn og Alþingi hafa gert upp við sig eftir hverju Ísland ætlar að sækjast í samningum við bandalagið.“

(Tíminn 13. nóv. 1962.)

Bjarni Benediktsson, dómsmálaráðherra, sagði á Alþingi 23. nóv. sl. í umræðum um málið:

„ . . . Og það er rétt fyrir okkur að hugleiða, að eina ráðið til að eftir okkur verði munað, til að hagsmuna okkar sé gætt, er að við látum sjálfir í okkur heyra. Því að ef við gerum það ekki sjálfir, hverjir eiga þá að gera það? . . . Það má vel vera, að það verði ekki hægt að sameina allt það, sem við sækjumst eftir. En við eigum ekki á þessu stigi málsins að útiloka neina þá leið, sem fær kann að vera, þegar af þeirri ástæðu, að sú útilokun verður ekki virt af öðrum, aðrir tala um allt, sem þeim sýnist við okkur, og við eigum vitanlega sjálfir að sækjast eftir öllum þeim hlunnindum, sem við getum, sjálfra okkar vegna, sjálfir, því að ef við gerum það ekki, gera það engir aðrir. Ég veit, að Framsóknarmenn skilja þetta jafn vel eins og við hinir, og ég þekki þá nú svo vel, af margra ára samvinnu, að mér dettur ekki í hug að taka eitt augnablik gilda yfirlýsing� þeirra um það, að ekki komi annað til greina en tolla- og viðskiptasamningur af þeirra hálfu, ef annað betra væri fáanlegt. Það má vel vera, að þeir telji sér henta á þessu stigi málsins að halda sliku fram, eins og þeir hafa í ýmsum öðrum málum, sem ekki hafa minni þýðingu, t. d. varnarmálunum, haldið hinum fráleitustu hlutum fram fyrir kosningar, en síðan tekið upp skynsamlega afstöðu eftir kosningar, þ. e. a. s. ef þeir fengju að koma í stjórn.“

(Morgunblaðið 24. nóv. 1962.)

Tollalækkunarir

Í nóvember 1961 voru lækkaðir tollar á allmögum vörutegundum, sem gætir mikið í neyzluútgjöldum alls almennings. Tollar á þessum vörum voru mjög háir eða frá 106% upp í allt að 312% af cif-verðmæti, en voru lækkaðir niður í 52% til 125%.

Gunnar Thoroddsen, fjármálaráðherra, segir um þessa ráðstöfun:

„Tilgangurinn var sá, að lækka verð á ýmsum varningi, almennigi til hagsbóta, og reyna um leið að draga úr hinu geigvænlega smygli. Þessari tilraun fylgdi veruleg áhætta fyrir ríkissjóð. Ef hinn löglegi innflutningur héldist óbreyttur á þessum vörum, myndi ríkissjóður tapa um 50 millj. kr. á ári á þessum ráðstöfunum. En þeir, sem að þessari tilraun stóðu, höfðu bjargfasta trú á því, að tollalækkunin myndi minnka smyglið og leiða miklu meira af innflutningnum inn á löglegar brautir, svo að ríkissjóður myndi ekki verða fyrir tjóni.“

(Vísir 3. okt. 1962.)

Við tollalækkunina varð mikil verðlækkun á þessum vörum. Þannig lækkaði ýmiss konar ytri fatnaður um 18—28%, kvensokkar um rúm 30%, kvenskór um 14—16%, niðursoðnir ávextir um 16%, ljósakrónum um 13—16%, snyrtivörur um 33—39% og á úrum og myndavélum var um enn meiri verðlækkun að ræða.

Áhrif þessarar tollalækkunar á innflutning og tolltekjur ríkissjóðs má sjá af eftirfarandi:

Innflutningur þessara vara (eftir nágildandi gengi) var:

janúar—júní 1961	34,7	millj. kr.
janúar—júní 1962	75,1	— —

Tolltekjur af þessum vörum voru:

janúar—júní 1961	47,8	millj. kr.
janúar—júní 1962	65,5	— —

Getur nokkur bóndi lengur efazt?

Þegar núverandi ríkisstjórn var mynduð, var því heitið að koma skyldi lánasjóðum atvinnuveganna á traustan grundvöll. Um þörf þessa fyrir landbúnaðinn fórust **Ingólfí Jónssyni**, landbúnaðarráðherra, svo orð í ræðu á landsfundi Sjálfstæðisflokkssins 20. okt. 1961:

„Til þess að landbúnaðurinn geti starfað á æskilegan hátt með eðlilegri uppbryggingu og þróun, er nauðsynlegt, að lánasjóðir landbúnaðarins séu á hverjum tíma aflögufærir og geti veitt lán til nauðsynlegrar uppbryggingar. Eins og nú standa sakir, eru lánasjóðir landbúnaðarins á heljarþrom, vegna þess að þeir hafa undanfarin ár, að árinu 1960 undanskildu, tekið erlend lán og borið gengisáhættuna.“

(Landsfundarskýrsla 1961, bls. 62.)

Þetta hefur gerzt:

Samþykkt voru lög nr. 75/1962 um Stofnlánadeild landbúnaðarins, landnám, ræktun og byggingar í sveitum. Aðaltilgangur laganna er að sameina Ræktunarsjóð Íslands og Byggingarsjóð sveitabæja í einn sjóð, er beri nafnið Stofnlánadeild landbúnaðarins, og tryggja starfsgrundvöll hins nýja sjóðs.

Með frumvarpi að lögum þessum var lögð fram ýtarleg greinar-gerð um rannsókn, sem gerð hafði verið á framtíðarhag Ræktunarsjóðs og Byggingarsjóðs. (Alþ.tíð. 1961, bls. 1008—1015.) Kom þar í ljós, að miðað við óbreytta skipan og þær forsendur, sem áætlunin byggðist á, myndi hag sjóðanna stöðugt halda áfram að hraka eins og hér segir:

Ræktunarsjóður

Skuldir umfram eignir skv. ársreikningi 1961	52,6 millj. kr.
Áætlaður reksturshalli á árunum 1962—1970	100,6 — —
<hr/>	
Áætlaðar skuldir umfram eignir í árslok 1970	153,2 millj. kr.

Byggingarsjóður

Eignir umfram skuldir skv. ársreikningi 1961	17,9 millj. kr.
Áætlaður reksturshalli á árunum 1962—1970	32,4 — —
<hr/>	
Áætlaðar skuldir umfram eignir í árslok 1970	14,5 — —

Fréttabréf miðstjórnar Sjálfstæðisflokkssins nr. 1., janúar 1963

Með lögunum um Stofnlánadeild landbúnaðarins var ákveðið, að deildin tæki á sig allar skuldbindingar, sem við gildistöku laganna hvíldu á Ræktunarsjóði og Byggingarsjóði. En stofnfé deildarinnar var ákveðið sem hér segir:

- 1) Eignir Ræktunarsjóðs og Byggingarsjóðs, eins og þær voru við gildistöku laganna.
- 2) Lán, sem ríkissjóður veitti Ræktunarsjóði og Byggingarsjóði, ásamt áföllrum vöxtum, samtals 34,9 millj. kr.
- 3) Skuldabréf, sem ríkissjóður afhendir deildinni til eignar, samtals að upphæð 9,1 millj. kr.
- 4) 16,5 millj. kr., sem ríkissjóður eða Ríkisábyrgðarsjóður greiðir af erlendum lánum Ræktunarsjóðs og Byggingarsjóðs árin 1961, 1962 og 1963.

Samkvæmt 2.—4. tölul. var þannig ákveðið, að Stofnlánadeildin fengi nýtt stofnfé að upphæð 60,5 millj. kr., sem ríkissjóður hafði ýmist lánað Ræktunarsjóði og Byggingarsjóði eða greitt vegna þeirra í áföllnum ábyrgðum.

Til þess að tryggja framtíðaruppbryggingu Stofnlánadeildarinnar og starfsfé til hennar á komandi árum ákváðu lögin, að tekjur deildarinnar skuli vera, auk vaxtatekna, sem hér segir:

- 1) Fast árlegt framlag ríkissjóðs 4 millj. kr.
- 2) 1% álag á söluvörur landbúnaðarins, sem ákvarðað skal og innheimt á sama hátt og búnaðarmálasjóðsgjald, skv. lögum nr. 38/1945.
- 3) Árlegt framlag ríkissjóðs, er nemi jafnhárri upphæð og tekjur skv. 2. tölulið.
- 4) Gjald af útsöluverði mjólkur og rjóma og á heildsöluverð annarra landbúnaðarvara, er skal nema sem svarar 0,75% af verði sömu afurða skv. verðlagsgrundvelli landbúnaðarvara á hverjum tíma.

Með framangreindum ráðstöfunum hefur verið lagður grundvöllur að öflugum og vaxandi lánasjóði landbúnaðarins. Áætlun um hag og rekstur Stofnlánadeildarinnar, þegar frá liði, fylgdi frumvarpinu að lögum fyrir deildina. (Alþ.tíð. 1961, bls. 1004—1007.) Af áætlun þessari, sem byggð er á ákveðnum forsendum og miðar við stofnfé og lögákveðnar tekjur deilarinnar, kemur fram eftirfarandi:

Eignir umfram skuldir við opnun deildarinnar 1/5

1962	26,0	millj. kr.
Áætlaður tekjuafgangur á árunum 1962—1970	228,5	—

Áætlaðar eignir umfram skuldir í árslok 1970

254,5 millj. kr.

Ennfremur sýnir áætlun þessi, að greiðsluafgangur lánadeildarinnar árið 1962 verði rúmar 30 millj. kr. og árið 1963 um 50 millj. kr. og fari þannig hækkandi fyrir hvert ár að nemi árið 1970 um 100 millj. kr. og árið 1975 nær 150 millj. kr. Greiðsluafgangur þessi er það fjármagn, sem áætlað er, að lánadeildin geti árlega ráðstafað til útlána af eigin tekjum sínum og lögákveðnum lánum úr Mótvirðis-sjóði. En auk þess heimila lögín um Stofnlánadeildina Búnaðarbanka Íslands að taka vegna Stofnlánadeildarinnar, að fengnu samþykki ríkisstjórnarinnar, allt að 300 millj. kr. lán, ef árlegt ráðstöfunarfé deildarinnar nægir ekki til að hún geti á viðunandi hátt gegnt hlutverki sínu. Samkvæmt þessari heimild fékk Stofnlánadeildin þegar árið 1962 lán að upphæð 49 millj. kr., sem ráðstafað var til útlána.

Hér hefur verið skýrt frá, hvernig gjaldþrota lánasjóðum hefur verið breytt í öflugan lánasjóð landbúnaðarins. Framsóknarmenn kalla aðgerðir þessar áras á bændur. Málið er rætt í forustugrein Tímans 11. marz sl. með eftirfarandi lokaorðum:

. . . . Getur nokkur bóndi lengur efazt um það, hvern hug númerandi ríkisstjórn ber til landbúnaðarins og bændastéttarinnar?"

Svari nú hver, svo sem han⁊ hefur samvizku til.

„Röksemdafærslan um aukavinnuna“

Sigurvin Einarsson, alþingismaður, talar:

Í febrúar 1960:

„Samdráttarstefna hæstv. ríkisstjórnar hlýtur að valda minnkandi atvinnu manna, sem fyrst og fremst bitnar á aukavinnu manna, sem greidd er 50—100% hærra verði en dagvinna.“

(Úr þingræðu við 2. umr. um frv. ríkisstjórnarinnar um efnahagsmál. Tíminn 2. mars 1960.)

Í maí 1962:

„Pá er einnig gripið til þess að segja, að menn geti unnið aukavinnu. En hvert eiga þá bændur og bændasynir að sækja þá aukavinnu? En þeir eru undir þessu sama lögþáli „viðreisnarástefnunnar“. Röksemdafærslan um aukavinnuna er hrein árás á hin óskráðu vökulög í landinu.“

(Úr eldhúsdagsumræðum. Tíminn 11. maí 1962.)

Hið „frysta“ fé

Breyting á lögum um Landsbanka Íslands var gerð árið 1957. Í athugasemdum við frumvarp að lögum um breytingu þessa sagði um 11. gr. þeirra:

„Pá felst i grein þessari heimild fyrir stjórn Seðlabankans til þess, að höfðu samráði við ríkisstjórnina, að ákveða vexti banka og sparísþóða og ákveða að bankar og sparísþóðir skuli eiga innstæður í Seðlabankanum og þá hve miklar. Bæði þessi atriði eru svo þýðingarmiklir þættir í þróun peningamála landsins að nauðsynlegt þykir, að stjórn Seðlabankans geti haft af þeim afskipti.“

(Alþingistíðindi 1956, bls. 1213.)

Þessi löggjöf var verk vinstri stjórnarinnar. En nú eru bindingarákvæðin um sparifé í lögum frá 1961 um Seðlabanka Íslands, með þeim breytingum frá því sem áður var, að

- 1) fyrirmælin ná nú til innlásndeilda kaupfélaga, auk banka og sparísþóða,
- 2) hámark, sem ekki var áður, er nú sett fyrir innstæðubindingu hjá hverri innlásstofnun.

Framsóknarmenn halda nú uppi mögnuðum áróðri út af sparifjár-bindingunni.

Pagað er um

- 1) hlut vinstri stjórnarinnar í málín,
- 2) hámarksákvæðin til öryggis innlásstofnunum.

Fordæmt er, að

- 1) sama skuli ganga yfir innlásndeildir kaupfélaganna sem aðrar innlásstofnanir, þ. e., að allir, sem hafa sömu réttindi innlásstofnana, beri sömu skyldur,
- 2) innlásbindingin sé aðferð ríkisstjórnarinnar til að taka fjármagnið frá hinum dreifðu byggðum og flytja til Reykjavíkur,
- 3) innlásbindingin sé til þess að draga fjármagn frá framleiðslunni og þrengja að atvinnuvegum landsmanna.

Hið sanna:

Bundið sparifé í Seðlabankanum var 1. okt. sl. sem hér segir:

Fréttabréf miðstjórnar Sjálfstæðisflokkssins nr. 1., janúar 1963

Frá bönkum og sparisjóðum í Reykjavík . . .	341,9	millj. kr.
— útibúum bankanna utan Reykjavíkur . . .	74,6	—
— sparisjóðum utan Reykjavíkur	65,7	—
— innlánsdeildum kaupfélaga	6,8	—
		489,0 millj. kr.

Seðlabankinn notar þetta fjármagn aðallega til afurðalána og myndunar gjaldeyrisvarasjóðs. Því var ráðstafað ásamt öðru fjármagni bankans 1. okt. sl. meðal annars sem hér segir:

Lán til landbúnaðar	258	millj.	kr.
Lán til sjávarútvegs	563	—	—
Gjaldeyrissjóður	816	—	—

Ef taka á bundna spariféð af Seðlabankanum, verður annað hvort að minnka útlán til framleiðslunnar eða eyða gjaldeyrissjóðnum. Eysteinn Jónsson hefur verið spurður að, hvort heldur hann vildi láta gera. Eysteinn hefur ekki svarað. Spryjið aðra Framsóknarmenn.

Glöggt er enn, hvað þeir vilja

Framsóknarflokkurinn gengur nú hart fram í krossferðinni gegn ríkisstjórninni. Kosningar nálgast og kominn er hann í vinstri buxurnar. Hann heitir nú á „vinstri“ menn, sem fyrir, að duga vel og fylkja sér um Framsóknarflokkurinn. Hann segist ekki lakari vinstri flokkur en meira að segja sjálfir kommunistar. Og að sjálfsögðu verður að sýna það í verki. Þess vegna

- 1) tekur Framsóknarflokkurinn fyrirfram afstöðu gegn hvers konar beinni aðild Íslands að Efnahagsbandalagi Evrópu — eins og kommunistar;
- 2) beitir Framsóknarflokkurinn ofbeldi og lögleysum í Alþýðusambandi Íslands — eins og kommunistar.

En sitthvað er forleikur alþingiskosninga hjá Framsókn og raunverulegar fyrirætlanir.

Hvað segja þeir um sínar fyrirætlanir?

Í forustugrein Tímans 24. júlí sl. stendur:

„*Stjórnarblöðin segja, að Framsóknarmenn vilji láta stjórnarflokkana missa meiri hlutann til að geta myndað stjórn með kommunistum á eftir. Stjórnarblöðin vita þó vel, að á þessu tvennu er vitanlega reginmunur, þótt ekki sé litið á þetta frá öðru sjónarmiði en því, að til þess að starfhæfur þingmeirihluti stjórnarflokkanna glatist, þurfa þeir ekki að missa nema 2 bingsæti, en til þess að samstjórn Framsóknarmanna og kommunista sé fræðilega möguleg, þurfa stjórnarflokkarnir að missa minnst fimm bingsæti. Þótt stjórnarflokkarnir tapi i næstu þingkosningum, er ólíklegt að tap þeirra verði svo mikil. Hins vegar er engin fjarstæða að álykta, að þeir geti misst 2—3 bingsæti. . . . Framsóknarflokkurinn biður ekki um, að stjórnarflokkarnir verði sviptir þingmeirihlutanum til þess að koma hér á stjórn, sem annað hvort verður undir merkjum íhaldsstefnu eða kommunisma, heldur til þess að hér komist á stjórn, er lúti hvorugri þessara stefna. Nú drottnar hér íhaldsstefna, en stjórnarflokkarnir þurfa ekki að missa nema tvö bingsæti, til þess að henni verði steyppt úr sessi. . . . Það eitt myndi gerast, að þingmeirihluti stjórnarflokkanna tapaðist, að áhrif íhaldsins yrðu minni, jarðvegurinn fyrir kommunisma lakari . . .*“

Þetta þýðir, að

- 1) Framsóknarflokkurinn telur ekki fjarstæðu, að hægt sé að fella ríkisstjórnina í næstu alþingiskosningum;
- 2) Framsóknarflokkurinn telur samt ólíklegt, að hann verði það öflugur að geta myndað „vinstri“ stjórn með kommúnistum;
- 3) Framsóknarflokkurinn telur æskilegast að komast í ríkisstjórn með núverandi stjórnarflokum, sem þá gæti ekki orðið til annars en til að framkvæma núverandi stjórnarstefnu.

Fordæmi:

Framsóknarflokkurinn felldi ríkisstjórn Sjálfstæðisfloksins í mars 1950 með því að samþykja vantraust á efnahagsmálastefnu stjórnarnarinnar. Siðan myndaði Framsóknarflokkurinn ríkisstjórn með Sjálfstæðisflokknum til að framkvæma þá efnahagsmálastefnu, sem hann hafði samþykkt vantraust á.

Spurning:

Hverjir myndu fagna því, að Framsóknarflokknum tækist við alþingiskosningar næsta sumar að koma fram áformum sínum?

Værur það

- 1) „vinstri“ menn, sem Framsókn biðlar nú til,
- 2) almenningur, sem vill viðreisnarstefnuna áfram, eða
- 3) valdastreitumenn Framsóknar, sem mæna á ráðherrastóla?

Tímarnir tvennir

Nóvember — desember 1962:

Gunnar Thoroddsen, fjármálaráðherra, undirritaði í London 29. nóv. samning fyrir hönd ríkisstjórnar Íslands við Hambros Bank um útboð og sölu skuldabréfa fyrir láni að upphæð 2 millj. sterlings-punda.

Leyfi brezkra yfirvalda til lántöku þessarar var ekki bundið neinum skilyrðum um notkun fjárins, hvorki að því er varðar tegund þeirra framkvæmda, sem það skyldi renna til, né um vörukaup í Bretlandi.

Stórblöðin brezku, svo sem Times í London, birtu greinar, þar sem sagði, að íslenzka lánið væri prófsteinn á það, hvort London myndi aftur verða miðstöð hins alþjóðlega fjármálalifs. Myndi sjást, hvort svo yrði, á því, hvernig gengi að selja skuldabréf íslenzka lánsins á frjálsum lánamarkaði.

Sala skuldabréfanna fór fram í kauphöllinni í London 3. des. Öll skuldabréfin seldust upp og var eftirspurnin 50% meiri en upphæð lánsins var.

Hinn góði árangur var þakkaður trausti á fjármálum Íslands og öðrum ástæðum fjármálalegs eðlis.

Nóvember — desember 1956:

Eysteinn Jónsson, þáverandi fjármálaráðherra, falaðist eftir láni fyrir vinstri stjórnina. Fjármálatraustið var lítið, en hins vegar var upp á að bjóða ályktun Alþingis frá 28. mars um brottflutning varnarliðsins.

Stórblaðið New York Times birti 26. nóv. þessa frétt:

„Ísland hefur fallizt á að láta bandarískt herlið hafa áfram yfirstjórn hinnar hernaðarlega þýðingarmiklu Keflavíkurflugstöðvar, — en gegn gjaldi. . . . Bandaríkin fallast enn fremur á að veita Íslandi efnahagslega og fjármálalega aðstoð. . . .“

Í desember var tilkynnt, að Ísland væri búið að fá 4 millj. dollara lán hjá Bandaríkjunum. Í bandarísku tilkynningunni sagði:

„Fé til dollaralánsins er fengið úr sérstökum sjóði, sem forseti Bandaríkjanna ræður yfir samkvæmt heimild Bandaríkjings og aðeins má nota til ráðstafana, sem forsetinn telur mikilvægar fyrir öryggi Bandaríkjanna.“

Hinn góði árangur bessarar lánsútvégunar var „þakkaður“ því, að varnir landsins væru gerðar að verzlunarvöru, sbr. yfirlýsing ríkisstjórna Íslands og Bandaríkjanna, sem gefin var út í desember, en þar sagði meðal annars:

„Viðræðurnar hafa leitt til samkomulags um, að vegna ástands þess, er skapazt hefur í alþjóðamálum undanfarið og áframhaldandi hættu, sem steðjar að öryggi Íslands og Norður-Atlantshafsrikjanna, sé þörf varnarliðs á Íslandi samkvæmt ákvæðum varnarsamningsins.“

Þjóðarframleiðsla

Pví var strax lýst yfir, þegar ríkisstjórnin tók við völdum, að meginstefna hennar í efnahagsmálunum væri að skapa skilyrði fyrir sem örastri framleiðsluaukningu. Í framsöguræðu sinni á Alþingi fyrir frumvarpi að lögunum um efnahagsmál sagði forsætisráðherra

Olafur Thors 5. febrúar 1960:

„Ef sú viðreisnaráxtlun, sem ríkisstjórnin nú leggur fyrir Alþingi, nær þeim tilgangi, sem vonir standa til, og hann getur náðst á skömmum tíma, ef þjóðin sýnir aðgerðum stjórnarinnar skilning, þá er með því lagður grundvöllur að nýrri uppbyggingu atvinnuveganna á traustari grundvelli en við höfum áður þekkt um áratugaskeið. Íslendingar geta þá slegist í fylgd með fjölmörgum þjóðum hins frjálsa heims, sem á undanförnum árum hafa bætt lífskjör sín meir og örarár en nokkru sinni fyrr.“

(Morgunblaðið 6. febr. 1960.)

Stjórnarandstaða Framsóknar og kommúnista hefur haldið því fram, að viðreisnarráðstafanirnar stefndu ekki að því að skapa skilyrði örari framleiðsluaukningar. Stjórnarandstaðan hefur haldið hinu gagnstæða fram, að efnahagsmálastefna ríkisstjórnarinnar stefndi að samdrætti þjóðarframleiðslunnar og hefur það verið eitt aðalárasarefnið á aðgerðir ríkisstjórnarinnar.

Frá upphafi hefur stjórnarandstaðan verið ómyrk í máli um þessar skoðanir sinar. Pannig sagði **Hannibal Valdimarsson**, formaður Alþýðubandalagsins í blaðagrein um það leyti, sem viðreisnarlöggjöfin frá 1960 var sett:

„- - - það hygg ég ekki of sagt, að meginþorri þjóðarinnar beri nú ugg í brjósti um, að þessar efnahagsráðstafanir muni hrinda af sér gífurlegri dýrtíðaröldu annars vegar og valda samdrætti og stöðnun í atvinnulifi og framkvæmdum.“

(Vinnan, mars 1960.)

Hermann Jónasson, þáverandi formaður Framsóknarflokksins, sagði um málið 30. maí 1960 í eldhúsdagsumræðum á Alþingi:

„- - - það er sama hvor gripið er niður, alls staðar er stefnt að stöðvun og samdrætti.“ (Tíminn 2. júní 1960.)

Slikur hefur söngurinn verið síðan og sízt dregið af. **Karl Kristjánsson**, alþingismaður, sagði t. d. í útvarpsumræðum frá Alþingi 13. mars 1961:

Fréttabréf miðstjórnar Sjálfstæðisflokkssins nr. 2., febrúar 1963

„Samdráttarstefna ríkisstjórnarinnar dregur úr framförum og framleiðslu og þar með atvinnulífi og þjóðartekjum — skapar hugarfar bölsýninnar, kyrrstöðu, afturför, upplausn og skort.“
(Tíminn 15. marz 1961.)

EKKI hafa þessir sleggjudómar stjórnarandstöðunnar verið beint til þess fallnir að auka á skilning þann, sem forsætisráðherra kvað svo mikilvægt, að þjóðin sýndi aðgerðum ríkisstjórnarinnar.

Ekki hefur stjórnarandstaðan í túlkun sinni á málinu gert neinn greinarmun á því, hvort samdráttur yrði í framleiðslunni meðan verið væri að leggja þann grundvöll, sem ríkisstjórnin taldi skilyrði örari framleiðsluaukningar, eða hvort þeir teldu unnið fyrir gýg að koma hinum nýja grundvelli á vegna þess, að hann skapaði ekki skilyrði fyrir örari framleiðsluaukningu. Á þessu er að sjálfsögðu skilsmunur.

Ríkisstjórnin gaf ekkert fyrirheit um örari framleiðsluaukningu, fyrr en hún hefði skapað skilyrði fyrir henni. Þvert á móti var boðað, að erfiðleikar myndu fylgja því að koma á hinu nýja efnahagskerfi, en það myndi bera árangur síðar. Annað mál er það, að almenningur hefur ekki fundið til þessara erfiðleika eins og mátt hefði ætla. Sýnir það, hve giftusamlega aðgerðir ríkisstjórnarinnar hafa farið úr hendi. En það, sem mest er um vert, er sú staðreynnd, að hið nýja efnahagskerfi er nú þegar farið að bera sýnilegan árangur og gefa fyrirheit um enn meiri árangur í framleiðsluaukningu.

Stjórnarandstaðan neitar hins vegar staðreyndum. Hún heldur sér enn við þá kenningu, að aðgerðir ríkisstjórnarinnar stefni að samdrætti þjóðarframleiðslunnar. En stjórnarandstaðan er ekki ein til frásagnar um þróun þjóðarframleiðslunnar. Hagdeild Framkvæmdabankans hefur látið vinna margþættar skýrslur um þjóðarframleiðsluna á tímabilinu 1945—1960, sem nú hafa verið birtar í riti bankans. (Úr þjóðarbúskapnum, júní 1962, bls. 3—30.) Ennfremur hefur Efnalagsstofnunin unnið sams konar skýrslur fyrir árið 1961 og skýrslur fyrir árið 1962, sem byggðar eru á bráðabirgðatölum.

Samkvæmt þessum upplýsingum hefur þróun þjóðarframleiðslunnar verið árin 1956—1962 svo sem fram kemur í eftirfarandi töflu, en þar greinir frá

- 1) þjóðarframleiðslu hvers árs reiknaðri í millj. króna á verðlagi ársins 1960,
- 2) vísitölu þjóðarframleiðslunnar fyrir hvert ár.

Þróun þjóðarframleiðslu 1956—1962

	1956	1957	1958	1959	1960	1961	1962
Millj. kr.	7093	7046	7667	7808	8039	8280	8695
Vísitala	100,0	99,3	108,1	110,1	113,3	116,7	122,6

Hafa ber í huga, að þjóðarframleiðslan er að sjálfsögðu mjög háð aflabréögðum. Árið 1958 voru aflabréögð sérlega góð og kom það fram í mikilli aukningu þjóðarframleiðslu það ár, þegar miðað er við árið á undan, en árið 1957 minnkaði þjóðarframleiðslan. Árið 1962 var einnig mikið aflaár að því er varðar síldveiðarnar, en hins vegar brást afli togaranna, svo sem kunnugt er.

En af framangreindri töflu má marka:

- 1) Á árum vinstri stjórnarinnar 1957 og 1958 nam aukning þjóðarframleiðslunnar 8,1%.
- 2) Í tíð númerandi ríkisstjórnar árin 1960, 1961 og 1962 hefur aukning þjóðarframleiðslunnar numið 11,4%.

En gæfumuninn gerir, að

- 1) vinstri stjórnin með ráðleysi sínu veikti grundvöll framleiðslustarfseminnar, svo að stefndi til minni aukningar þjóðarframleiðslunnar, eins og fram kom með aðeins 1,8% aukningu árið 1959, en
- 2) viðreisnarstjórnin hefur styrkt grundvöll framleiðslunnar með afnámi hafta- og uppbótakerfisins, myndun öflugra gjaldeyrissjóða og greiðslujöfnuði við útlönd ásamt jafnvægi í peningamálum innanlands, svo að framleiðsluaukningin hefur orðið meiri frá ári til árs, 3,0% árið 1960, 3,0% 1961 og 5,0% 1962.

Leiðin til bættra lífskjara

Þegar stjórnarandstaðan rak upp ramakvein sitt út af viðreisnarlöggöfinni 1960, þóttist hún fyrst og fremst bera fyrir brjósti hagsmuni verkalýðs- og launþega. Haldið hefur verið fram, að viðreisnaráðstafanirnar væru við það miðaðar og til þess ætlaðar að skerða lífskjör almennings, verkalýðs og launþega. Þetta hefur átt að gerast með því að

- 1) minnka þjóðartekjurnar og
- 2) minnka hlutdeild launþega í þjóðartekjunum.

Þessu hafa þeir haldið fram, mennirnir úr vinstri stjórninni, sem engin úrræði áttu sjálfir, þegar þeir hlupust frá vandanum í árslok 1958. Og svo úrræðalausir hafa þeir verið í stjórnarandstöðunni, að megin viðleitni þeirra snýst um það að gera ríkisstjórninni upp tilgang og hug þvert ofan í yfirlýstan vilja hennar og stefnu.

Bjarni Benediktsson, dómsmálaráðherra, sagði í eldhúsdagsumræðum frá Alþingi 27. mars 1961:

„Reynslan hefur þegar sannað, að vandin verður ekki leystur með því að þykjast ekki sjá hann né með úrræðum eða réttara sagt úrræðaleyzi stjórnarandstæðinga. Hún á eftir að skera úr um, hvort okkur tekst svo sem hugur okkar stendur til. Vist er, að allir landsmenn eiga mikil undir því, að tilraun okkar takist, og engir þó meir en verkalýður og launþegar. Ef sæmilegt jafnvægi í efnahagsmálum næst til frambúðar, skapast þar með mestar líkur fyrir því, að almenningur verði, svo sem efni standa til, aðnjótandi hækkanar þjóðartekna. Viðleitni ríkisstjórnarinnar stefnir að því, að svo megi verða - - -. En við skulum hvorki láta hrekjast aftur á bak né af leið, því að ef við höldum svo fram sem nú horfir, þá erum við vissulega á leiðinnt til bættra lífskjara.“

(Morgunblaðið 29. mars 1961.)

Og hver hefur svo reynslan orðið? Hefur okkur miðað áleiðis til bættra lífskjara?

Þegar stjórnarandstæðingar svara þessari spurningu, benda þeir á lægsta kauptaxta Dagsbrúnar. Það gefur ekki rétta hugmynd um þróun kaupmáttar tímakaups og lífskjara Dagsbrúnarmanna vegna þess að

- 1) atvinnutekjur ákvarðast ekki aðeins af breytingu lægsta taxtans, heldur af breytingum annarra taxta en lægsta taxtans, færslu starfa milli taxtaflokka, breytingu yfirvinnugreiðslna, áhrifum ákvæðislauna, fjölda vinnustunda og hlutfallinu milli almennra vinnustunda og yfirvinnustunda,
- 2) breyting lífskjara verður ekki aðeins metin með tilliti til atvinnutekna og neyzluvöruverðlags, heldur einnig með tilliti til áhrifa beinna skatta og beinna persónulegra styrkja (þ. e. fyrst og fremst fjölskyldubóta).

Og þar sem lægsti kauptaxti Dagsbrúnar er enginn mælikvarði á lífskjör Dagsbrúnarmanna sjálfrá, þeim mun fráleitara er að ganga út frá því, að hann segi rétt til um lífskjör launþega almennt.

Beztu upplýsingar um þróun lífskjara launþega fást hins vegar af þeim úrtaksrannsóknum um atvinnutekjur kvæntra verkamanna, sjómanna og iðnaðarmanna, sem framkvæmdar hafa verið eftir skattaframtölum árlega um langt skeið. Við þessar tekjur verður fyrir síðustu ár að bæta áhrifum skattalækkana og aukningar beinna persónulegra styrkja, en það hefur megin þýðingu fyrir samanburð lífskjara fyrir og eftir 1960 vegna hinnar miklu lækkunar beinna skatta og hækunar fjölskyldubóta, sem þá átti sér stað. Með því að bera saman atvinnutekjur þannig leiðréttar við breytingar á vísitölu neyzluvöruverðlags fást raunverulegar atvinnutekjur, sem telja má mælikvarða á lífskjörin.

En til þess að fá hugmynd um það, hvernig lífskjör launþega hafa breytzt samanborið við raunverulegar þjóðartekjur, þarf að bera launatekjurnar samkvæmt framangreindum mælikvarða saman við þróun þjóðarteknanna á manni.

Hér á eftir fer tafla um þessi efni, sem byggð er á upplýsingum og útreikningum hagdeildar Framkvæmdabankans og Efnahagsstofnunarinnar. (Tölur fyrir árið 1962 eru bráðabirgðatölur.) Þar kemur fram fyrir árin 1956—1962:

- 1) Meðallaunatekjur á manni í þúsundum króna samkvæmt úrtaksrannsóknum um atvinnutekjur kvæntra verkamanna, sjómanna og iðnaðarmanna, leiðréttar frá og með 1960 vegna skattalækkana og aukningar fjölskyldubóta og umreiknaðar til verðlags ársins 1960.
- 2) Vísitala meðaltekna samkvæmt 1. dálki.
- 3) Vísitala hreinna þjóðartekna á manni á föstu verðlagi.
- 4) Vísitala afstöðu atvinnutekna til þjóðartekna á manni, þ. e. vísitala samkvæmt 2. dálki deild með vísitölu samkvæmt 3. dálki.

Ár	<i>Meðal-launatekjur á mann Pús. kr.</i>	<i>Visitala meðallauna- tekna á mann</i>	<i>Visitala þjóðartekna á mann</i>	<i>Visitala afstöðu meðal- launatekna til þjóðartekna á mann</i>
	(1)	(2)	(3)	(4)
1956	72.704	100,0	100,0	100,0
1957	70.542	97,0	96,4	100,6
1958	76.458	105,2	105,0	100,2
1959	82.048	112,8	105,2	107,2
1960	81.873	112,6	104,5	108,0
1961	82.603	113,6	109,3	103,9
1962	84.990	116,9	113,4	103,1

Framangreind tafla ber með sér:

- 1) Raunverulegar atvinnutekjur verkamanna, iðnaðarmanna og sjómanna hækkuðu í tíð vinstri stjórnarinnar um 5,2%, en hafa hækkað síðan um 11,0%.
- 2) Þjóðartekjur á mann hækkuðu í tíð vinstri stjórnarinnar um 5,0%, en hafa hækkað síðan um 8,0%.
- 3) Hlutfallið milli raunverulegra atvinnutekna og þjóðartekna hélt lítt breytt í tíð vinstri stjórnarinnar og var visitala afstöðunnar 100,2 árið 1958, en síðan hefur hlutfallið orðið launþegum miklum mun hagstæðara og komst visitala afstöðunnar í 108,0 árið 1960.

Petta sýnir að

- 1) þjóðartekjurnar hafa ekki minnkað heldur aukizt í tíð núverandi ríkisstjórnar,
- 2) hlutdeild launþega í þjóðartekjunum hefur aukizt frá því, sem var í tíð vinstri stjórnarinnar.

Ráðningin á gátunni

Um þessar mundir fara fram stjórnarkosningar í verkalýðsfélögum viðs vegar um land. Er þar viðast hvar kosið milli kommúnista annars vegar og lýðræðissinna hins vegar, eins og hefur verið um langt skeið. Á vinstri stjórnartímanum og síðan hefur Framsóknarflokkurinn beitt öllu sínu atfylgi til stuðnings kommúnistum í þessari baráttu. Kommúnistar eiga Framsóknarfloknum því fjar sitt að launa í verkalýðshreyfingunni.

Þetta er mönnum stöðugt undrunarefni, þar sem Framsóknarflokkurinn vill telja sig til lýðræðisflokkas landsins. Og enn mun furðulegra er þetta, þar sem vitað er, að forusta Framsóknarflokksins gerir sér grein fyrir, og hefur lengi gert, hvaða skaðvaldur kommúnistar eru í verkalýðshreyfingunni. Þannig sagði t. d. **Eysteinn Jónsson** í almennum stjórnmálaumræðum á Alþingi 9. maí 1955:

„Mér finnst nú sem nærrí því hver maður viðurkenni óstjórn kommúnista á málendum verkalýðshreyfingarinnar. Ég minnist þess ekki, að ég hafi nokkurn tíma áður orðið var við svo glöggan og almennan skilning á því sem nú, að óstjórn þessi stafi ekki öll af klaufaskap eða fyrirhyggjuleysi, heldur blátt áfram af því, að það er ekki hægt að þjóna tveimur herrum. Hagsmunir verkamanna og kommúnistaflokksins fara ekki saman. Það er ráðningin á gátunni.“

(Alþingistíðindi 1954, B. bls. 1715.)

Nú beitir Eysteinn flokki sínum fyrir stríðsvagni kommúnista í verkalýðshreyfingunni. Hver er ráðningin á þeirri gátu?

Íbúðarlán

Á styrjaldarárunum og fyrst á eftir voru ekki sérstakir erfiðleikar að fá lán til húsbygginga, þar sem mikið framboð var á lánsfjármagni. En breyting varð hér á um og eftir 1947. Varð þá mikill lánsfjármagnskortur, er leiddi af sér erfiðleika á því að fá lán til íbúðabygginga, og Veðdeild Landsbanka Íslands varð að mestu óvirk. Að sjálfsögðu voru þó veitt fasteignalán af ýmsum lánastofnunum og sjóðum. Auk bankanna var þar um að ræða sparisjóði, ýmsa tryggingasjóði og lifeyrissjóði, Byggingarsjóð sveitanna og Byggingarsjóð verkamanna. En lán þessara aðila hrukku skammt til að fullnægja eftirspurninni. Afleiðingin varð sú, að svartur lánamarkaður skapaðist og margir húsbyggjendur urðu tilneyddir til að sæta afarkostum með því að taka okurlán. Var augljóst að stöðva varð þessa óheillaþróun.

Í Morgunblaðinu 11. júní 1953 birtist grein um þessi mál eftir **Jóhann Hafstein**, bankastjóra, þar sem niðurlagsorðin voru þessi:

„Pað, sem mest skortir nú á i lánsfjármálunum til íbúðabygginga, er að samræma lánsfjárgetu bóðarinnar og gæta réttlætis og jafnvægis í byggingarmálunum til sjávar og sveita og milli þegnanna innbyrðis. — Varðandi byggingar í kaupstöðum og kauptúnnum verður að efla almenna lánastofnun til íbúðabygginga, og er það hægast að endurskapa veðdeild Landsbankans. — Pað verður að endurskoða þær reglur, sem gilda um lifeyrissjóði og eftirlaunajóði, og að rannsökuðu mál að veita því, sem sparast og aflögu er til byggingarlána, í heilbrigðan farveg. — Hér biður mikið verkefni þings og stjórnar.“

Pað var mjög í samræmi við skoðanir þær, sem hér koma fram, að ákvæði var sett í málefnsamning þann, sem gerður var, þegar ríkistjórn **Ólafs Thors** var mynduð í september 1953, þar sem sagði:

„Tryggt verði aukið fjármagn til íbúðabygginga í kaupstöðum, kauptúnnum og þorpum, lögð áherzla á að greiða fyrir byggingu íbúðarhúsa, sem nú eru í smiðum, og lagður grundvöllur að því að leysa þetta vandamál til frambúðar.“

Þetta var síðan gert með setningu laga nr. 55/1955. Samkvæmt lögnum var sett á stofn almennt veðlánakerfi til íbúðabygginga undir yfirstjórn Húsnæðismálastórnar og Veðdeildar Landsbanka Íslands. Íbúðarlánin, sem hið almenna veðlánakerfi veitir, eru tvenns konar.

Annars vegar eru A-lán, sem eru jafngreiðslulán til 25 ára. Hins vegar eru B-lán til 15 ára með jöfnum afborgunum bundnum vísitölu framfærslukostnaðar.

Hér var á ferðinni mikið framfara- og nauðsynjamál. Ekki vildu þó allir viðurkenna það, þegar frumvarpið var afgreitt í neðri deild sem lög frá Alþingi 10. maí 1955. Greiddu t. d. engir kommúnistar því atkvæði að viðhöfðu nafnakalli.

Einar Olgeirsson, formaður kommúnistafloksins, sagði um þessi lög í umræðum um húsnæðismálin á Alþingi 31. október 1955:

„Þegar húsnæðislöggjöfin var samþykkt á síðasta þingi, var það stórkostlegt spor aftur á bak frá því, sem verið hafði, og það, sem var verst í því sambandi, var, hve háir vextirnir voru settir, vextir upp í 7% og þar yfir, og með slíkum vöxtum er ekki hægt af nokru viti að leysa húsnæðisvandamálið á Íslandi, þannig að því fyrr sem stofnun, sem byggir á slikum vöxtum, er lögð niður, því betra. - - - Löggjöfin er sjálf ill, hún er röng. Vextirnir eru reiknaðir allt of háir, lánstíminn allt of stuttur.“

(Alþingistíðindi 1955, C, bls. 545.)

Hefði verið rétt að fara að ráðum Einars Olgeirssonar og leggja almenna veðlánakerfið niður, áður en það tók til starfa? Því verður bezt svarað með því að rifja upp, hvern árangur þetta lánakerfi hefur boríð. En árangurinn sjáum við í lánveitingum þess.

Frá því lánveitingar hófust í nóvember 1955 til ársloka 1962 hefur Veðdeild Landsbankans afgreitt íbúðarlán sem hér greinir:

A-lán.	B-lán.	Samtals.
Pús. kr.	Pús. kr.	Pús. kr.
1955	20.220	7.214
1956	44.030	19.625
1957	26.647	19.023
1958	21.979	26.790
1959	19.795	14.695
1960	37.763	14.408
1961	53.568	24.455
1962	70.954	15.656
<hr/>		
Samtals	294.956	141.866
		436.822

Þessar tölur segja sína sögu.

Páttur kommúnista:

Hannibal Valdimarsson varð félagsmálaráðherra í vinstri stjórn og æðsti yfirmaður húsnæðismála.

En hann

- 1) lækkaði ekki vexti íbúðalána,
- 2) lengdi ekki lánstíma íbúðalána og þó
- 3) lagði hann ekki veðlánakerfið niður.

Hins vegar sagði hann í umræðum um húsnaðismál á Alþingi 6. desember 1956:

„ - - - Hitt er annað mál, að það er auðséð að það verður að ákveða með einhverjum hætti meiri fjármagnsöflun til þess að ráða bót á húsnaðisvandræðunum heldur en fyrrverandi stjórn taldi ástæðu til eða sá sér fært að gera - - -.“

(Alþingistíðindi 1956, B, bls. 702.)

Úrræði Hannibals urðu samt ekki önnur en þau að fá samþykkt á Alþingi ný lög um húsnaðismál (lög nr. 42/1957) í stað laganna frá 1955. En hin nýju lög voru að meginnefni orðrétt endurprentun á eldri lögnum, þó með nokkrum breytingum, sem orkuðu mjög tvímælis.

Páttur Framsóknar:

Framsóknarmenn hafa tileinkað sér það hlutskipti að mikla hlut Hannibals. Mega þeir ekki svo nefna húsnaðismálin á nafn í seinni tíð, að þeir ekki vegsami Hannibalsúrræðin beint eða óbeint. Þannig skrifuðu t. d. sjö þingmenn Framsóknar undir greinargerð með frumvarpi að lögum, er þeir lögðu fram á Alþingi 1961, þar sem segir:

„Sú stefna hefur átt almennu fylgi að fagna hérlandis, að affarasælast væri, að sem flestir einstaklingar byggðu og eignuðust eigin íbúðir. Því er fjöldi þeirra einstaklinga, sem búa í eigin húsnaði, tiltölulega miklu meiri hér á landi en algengast er meðal annarra þjóða, þar sem það tilökast mjög, að einstakir auðmenn og auðfélög eigi og leigi út stórar hússamstæður, en stór hluti þegnanna er leigutakar. Hið opinbera hefur sýnt nokkra viðleitni til þess að stuðla að þessari þróun mála með því að efla opinbert veðlánakerfi til húsbrygginga. Merkasta sporið á þeirri braut var stigið í tið vinstri stjórnarinnar svonefndu með setningu laga nr. 42 1. júní 1957, um húsnaðismálastofnun, byggingarsjóð ríkisins o. fl. Með löggjöf þessari var lagður grundvöllur að frambúðarskipulagi á lánamálum húsbryggjenda - - -.“

(Alþingistíðindi 1961, A, bls. 316.)

Ekki sjást þeir fyrir, Framsóknarmenn, í gælum sínum við kommúnistar. Ekki sjá þeir sína eigin menn. Steingrímur Steinþórsson var félagsmálaráðherra í ríkisstjórn Ólafs Thors, þegar grundvöllur var lagður árið 1955 með stofnun almenna veðlánakerfisins.

En Framsóknarmönnum er vorkunn. Þeim var það aldrei hugstætt,

sem gerðist í húsnæðismálunum 1955. Það var gert fyrir frumkvæði, baráttu og kröfу Sjálfstæðisflokkns.

Aðalatriðið

er þó ekki að koma veðlánakerfinu á fót, heldur hitt að sjá því fyrir fjármagni. Hversu vel tekst fer á hverjum tíma eftir sparifjármunduninni í landinu og ástandi peningamálanna almennt. Það fer eftir ríkisstjórn og stjórnarstefnu.

Hér fara á eftir tölur, sem sýna

- 1) heildarupphæð ibúðarlána, sem Veðdeild Landsbankans hefur afgreitt á stjórnartíma hinna einstöku ríkisstjórn, síðan veðlánakerfið tók til starfa 2. nóv. 1955 til ársloka 1962,
- 2) meðalupphæð afgreiddra lána á hverjum mánuði:

Stjórn Ólafs Thors	69,5	millj. kr.	8,7	millj. kr.
Vinstri stjórnin	116,0	—	3,9	—
Stjórn Emils Jónssonar	34,5	—	2,9	—
Stjórn Ólafs Thors	216,8	—	6,0	—

Á 4. þúsund atvinnuleysingjar?

Ríkisstjórnin markaði stefnu sína í efnahagsmálum með frumvarpi til laga um efnahagsmál, sem lagt var fram á Alþingi 3. febrúar 1960.

Samdægurs efndu Framsóknarfélögin í Reykjavík til fundar um frumvarp ríkisstjórnarinnar. **Hermann Jónasson**, þáverandi formaður Framsóknarflokksins, var aðalræðumaður fundarins og sagði meðal annars:

„*Stefna núverandi stjórnarflokka er ekkert nýtt fyrirbrigði. Það er í atvinnu- og fjárhagsmálum sama stefnan og olli heims-kreppunni á árunum kringum 1930. Það er stefnan, sem aftur-haldsstjórn Hoovers boðaði í Bandaríkjum og þar réð ríkjum þar til Roosevelt braut hana á bak aftur. Sú stefna ræður og að verulegu leyti í Bandaríkjum nú með þeim afleiðingum, að þar eru á 4. millj. atvinnuleysingja og svarar það til þess, að þeir væru hér á 4. þús. Eigum við að innleiða það ástand hér?*“
(Tíminn 5. febrúar 1960.)

Fátt er nú í frásögur fært um atvinnuleysingja þá, sem hér er spáð. En síðan þetta var sagt, hefur Hermann Jónasson látið af formennsku í Framsóknarfloknum og ekki vitað, að hann hafi tekið upp önnur störf. Svarar það til á 4. þús. atvinnuleysingja?

Efling almannatrygginga

Í sambandi við viðreisnarráðstafanirnar 1960 var breytt lögum nr. 24/1956 um almannatryggingar. Þetta var gert til að draga úr áhrifum gengisbreytingarinnar á lífskjörin. Reiknað var með, að gengisbreytingin myndi valda hækkun á verðlagi í landinu sem svaraði 13% hækkun á visitölu framfærslukostnaðar. Breytingin á almannatryggingalögnum fólk í sér stórauknar fjölskyldubætur, elli- og örorkulífeyrir og aðrar svipaðar greiðslur almannatrygginga. Gert var ráð fyrir að með þessu móti (og með því að greiða niður verð nokkurra þýðingarmikilla neyzluvörutegunda) yrði dregið svo úr þeirri hækkun á visitölu framfærslukostnaðar, sem gengisbreytingin að öðrum kosti hefði í för með sér, að hækkunin næmi fyrir svokallaða visitolufjölskyldu tæplega 3% í stað um það bil 13% ella.

Auk hækkana, sem voru í beinu sambandi við viðreisnarráðstafanirnar, var elli-, örorku- og barnalífeyrir hækkaður um 20%. Þannig voru kjör þeirra, sem þessara bóta njóta, bætt verulega frá því sem var fyrir gengisbreytinguna.

Breytingin á lögum um almannatryggingar var í aðalatriðum fólgin í þessu (lög nr. 13/1960):

1. Ákveðið, að fjölskyldubætur verði greiddar með hverju barni á 1. og 2. verðlagssvæði kr. 2.600.00 á ári. Áður voru ekki greiddar fjölskyldubætur með fyrstu tveim börnum í fjölskyldu og aðeins hálfar fjölskyldubætur með þriðja barni, en fullar með fjórða barni og fleirum í hverri fölkskyldu. Áður voru fullar bætur á barn á 1. verðlagssvæði kr. 2.331.00, en á 2. verðlagssvæði kr. 1.748.25.

2. Elli- og örorkulífeyrir til hjóna á 1. verðlagssvæði hækkaði um 62,8% eða úr kr. 15.927.26 á ári í kr. 25.920.00 árlega, og einstaklingslífeyrir var hækkaður um 44% á 1. verðlagssvæði eða úr kr. 9.954.54 á ári í kr. 14.400.00. Samsvarandi hækkun varð á 2. verðlagssvæði.

3. Mæðralaun, sem greidd eru ekkjum, ógiftum mæðrum og fráskildum konum, skulu greidd móður með einu barni yngra en 16 ára, og full mæðralaun skulu greidd móður með þrem börnum eða fleirum. Áður voru mæðralaun ekki greidd móður með einu barni, en fyrst þegar einstæð móðir átti 2 börn, og full mæðralaun voru ekki greidd, fyrir en börnin voru fjögur eða fleiri. Hér var um mikla bótaaukningu að ræða frá því, sem áður var. Þannig voru t. d. mæðralaun til móður með fjögur börn kr. 9.954.54 á 1. verðlagssvæði, en urðu

kr. 14.400.00 til móður með þrjú börn eða fleiri. Tilsvarandi hækken varð á mæðralaunum á 2. verðlagssvæði.

4. Barnalífeyrir var hækkaður um ca. 43% eða úr kr. 5.104.89 í kr. 7.200.00 á 1. verðlagssvæði og samsvarandi á 2. verðlagssvæði.

5. Fæðingastyrkur hækkaði um ca. 25% úr kr. 1.748.25 í kr. 2.160.00, eins á báðum verðlagssvæðum.

6. Þá hækkuðu ekkjubætur við dauðsfall maka og slysabætur verulega. Raunar var um að ræða stórlega hækken í sumum greinum, svo sem dánarbótum til ekkju eða ekkils, sem ákveðnar voru eins fyrir alla eða kr. 90.000.00. Áður voru almennar dánarbætur kr. 19.143.34, nema fyrir lögskráða sjómenn, en dánarbætur vegna þeirra voru kr. 87.130.84.

Síðan framangreind ákvæði voru sett, hafa enn verið gerðar veigamiklar breytingar á almannatryggingunum og eru þær helztar, sem sér segir:

1. Til hagsbóta þeim mikla fjölda gamals fólks, sem heldur áfram fullu starfi eftir 67 ára aldur, var að fullu afnumið ákvæði tryggingsarlagra um skerðingu ellilífeyris vegna annarra tekna lífeyrisþega. Jafnframt voru afnumin hliðstæð skerðingarákvæði vegna örorkulífeyris. (Lög nr. 86/1960.)

2. Allar bætur trygginganna í peningagreiðslum hækkuðu til samræmis við almennar launahækkanir um 13,8% frá 1. júlí 1961, og eins og bæturnar voru þá orðnar, hækkuðu þær enn um 4% frá 1. júní 1962. (Lög nr. 95/1961.)

3. Frá 1. júní 1962 hækkaði svo ellí- og örorkulífeyrir sérstaklega um 7%. (Lög nr. 89/1962.)

4. Frá 1. janúar 1963 var felld úr gildi skipting landsins í 1. og 2. verðlagssvæði og allar bætur almannatrygginganna eru frá sama tíma hinum sömu hvarvetna á landinu eins og þær voru á 1. verðlagsvæði. Með þessari ráðstöfun hækka bætur trygginganna, sem voru lægri á öðru verðlagssvæði, um þriðjung. En 2. verðlagssvæði náði yfir allt landið utan kaupstaða með 2000 íbúum eða fleiri. (Lög nr. 89/1962.)

Á stjórnartíma núverandi ríkisstjórnar hafa allar bætur trygginganna hækkað stórlega samkvæmt framansögðu. Mesta almenna þýðingu hefur hækken ellilífeyris og fjölskyldubóta. Hér fer á eftir tafla, er sýnir bótaupphæð ellilífeyris og fjölskyldubóta í árslok 1959, febrúar 1963 og hlutfallslega hækken á tímabilinu.

	Árslok 1959	Febr. 1963	Hækkun
	kr.	kr.	%
<i>Ellilífeyrir hjóna:</i>			
I. verðlagssvæði	15.927	32.824	106
II. —	11.945	32.824	175
<i>Ellilífeyrir einstaklings:</i>			
I. verðlagssvæði	9.955	18.236	88
II. —	7.466	18.236	144
<i>Fjölskyldubætur með 2 börnum:</i>			
I. verðlagssvæði	0	6.154	—
II. —	0	6.154	—
<i>Fjölskyldubætur með 4 börnum:</i>			
I. verðlagssvæði	3.497	12.309	252
II. —	2.622	12.309	369

Til samanburðar:

Almennt tímakaup Dagsbrúnar var

í árslok 1959 kr. 20.67

í febrúar 1963 kr. 26.04

og hefur hækkað á tímabilinu um 26%.

Útgjöld almannatrygginganna til lifeyristrygginga (bóta vegna elli, örorku og dauða, fjölskyldubóta o. fl.) hafa verið 1959—1962, sem hér segir:

1959	178,4	millj. kr.
1960	324,9	—
1961	431,8	—
1962	500,6	—

Í tíð núverandi ríkisstjórnar hafa þessi útgjöld hækkað um 180,6% miðað við árslok 1962. Þessi útgjöld eru aætluð fyrir árið 1963 561,4 millj. kr.

Með aðgerðum núverandi ríkisstjórnar hafa almannatryggingar verið efldar meira en nokkru sinni fyrr. Einnig vinnur nú stjórnskipuð nefnd að endurskoðun laga um almannatryggingar.

Þetta er ekki í fyrsta sinn, sem stærstu framfaraspor tryggingar-mála eru mörkuð undir stjórnarforstu Sjálfstæðisflokkssins.

Gildandi lög um almannatryggingar voru sett í tíð ríkisstjórnar Ólafs Thors árið 1956.

Fyrstu lögin um almannatryggingar í núverandi mynd voru sett í tíð ríkisstjórnar Ólafs Thors árið 1946.

Tekjustofnar sveitarfélaga

Þegar stofnþing Sambands íslenzkra sveitarfélaga var haldið árið 1945, var skorað á ríkisstjórnina, að láta fara fram sem fyrst gagngerða endurskoðun á löggjöf þeirri, sem fjallaði um tekjustofna sveitarfélaga. Á hverju landsþingi og fulltrúaráðsfundum, sem þessi samtök hafa síðan haldið, hefur þessi krafa verið endurnýjuð í einhverri mynd, án þess að árangur hafi boríð, þar til núverandi ríkisstjórn tók málið upp.

Þeim mónum, sem fengizt hafa við sveitarstjórnarmál, hefur þannig lengi verið ljóst, að endurbætur þyrfti að gera á löggjöfinni um tekjustofna sveitarfélaga. Til þess liggja ýmsar ástæður.

Gunnar Thoroddsen, fjármálaráðherra, gerði á Alþingi 15. mars 1962 grein fyrir frumvarpi að lögum um tekjustofna sveitarfélaga og mælti:

„Í fyrsta lagi er óheppilegt og í rauninni óviðunandi að sveitarfélögini hafi svo að segja eingöngu einn tekjustofn til að byggja á, útsvörin. Útsvörin munu vera meira en 90% af öllum tekjum þeirra. Hefur það leitt til þess m. a., að útsvörin hafa í mörgum sveitarfélögum orðið heldur hærri en æskilegt væri og sveitarstjórnir hefðu sjálfar óskað. Ennfremur er það ljóst, að fyrir sveitarfélögini er það óheppilegt að burfa að byggja á þessum tekustofni einum, ef erfiðleikar steðja að í atvinnu- og efnahagsmálum, atvinna dregst saman, verðfall verður á afurðum landsmanna eða önnur óhöpp steðja að. Þá brengist fyrir hjá sveitarfélögunum um álagningu og innheimtu útsvaranna á sama tíma, sem mest er þörfin fyrir sveitarfélögini að auka framkvæmdir sínar og vega þannig á móti því, sem atvinna hefur dregið saman. - - - Í sambandi við þessa endurskoðun, sem hér um ræðir, þarf þó ætlað að hafa í huga það sjálfsförræði sveitarfélaganna, sem er einn af hyrningarsteinum hins íslenzka lýðveldis og lýðræðis og hefur verið einn af hornsteinum bjóðskipulags okkar frá öndverðu.“

(Vísir 16. mars 1962.)

Frumvarp þetta var samþykkt sem lög nr. 69/1962. Stjórnskipuð nefnd hafði undirbúið lagasetningu þessa frá því í desember 1959. Sum nýmæli varðandi tekjustofna sveitarfélaga höfðu þegar verið lögfest árið 1960 (lög nr. 19/1960 og lög nr. 43/1960). En þessi lög voru nú feldl inn í heildarlöggjöfina, sem þannig veitir sveitarfélögum nýja tekjustofna, sem hér segir:

Fréttabréf miðstjórnar Sjálfstæðisflokkssins nr. 2., febrúar 1963

1. Fasteignaskattur er nú fastákveðinn. Skatturinn er miðaður við fasteignamatsverð. Áður höfðu sveitarstjórnir aðeins heimild til að leggja slikan skatt á, en nú er það skylda. Áætlað er að fasteignaskattur pessi muni gefa fast að 30 millj. króna í tekjur á ári.

2. Sveitarstjórnnum er heimilað að innheimta í sveitarsjóð gjald hjá atvinnurekendum og öðrum þeim, sem sjálfstæða atvinnu hafa í sveitarféluginu. Hefur því gjaldi verið gefið nafnið aðstöðugjald. Þetta gjald er lagt á með tilliti til pess, að afnot þeirra, sem atvinnurekstur stunda, er miklu meiri af ýmsum framkvæmdum, er sveitarfélöginn kosta til, en gerist hjá fólk almennt. Þessi skattur kom í staðinn fyrir veltuútsvarið, sem jafnframt var afnumið.

3. Ríkissjóður greiðir $\frac{1}{5}$ hluta söluskatts, sem innheimtur er til ríkissjóðs, sbr. lög nr. 10/1960 um söluskatt, til Jöfnunarsjóðs sveitarfélaga, þó eigi lægri fjárhæð en 56 millj. króna á ári. Þessari fjárhæð er skipt á milli sveitarfélaganna í réttu hlutfalli við íbúatölu hvers sveitarfélags hinn 1. desember árið á undan.

4. Svokölluð landsútsvör eru lögð á tiltekin fyrirtæki, sem skipta við landsmenn alla, en ekki eingöngu við íbúa þess sveitarfélags, þar sem starfsemin hefur aðalbækistöðina. Hér er um að ræða ríkisfyrirtæki og olíufélög. Fjórðungur landsútsvara gengur til þeirra sveitarfélaga, þar sem starfsemi hinnar gjaldskyldu stofnunar fer fram. Afgangurinn rennur til Jöfnunarsjóðs sveitarfélaga, sem skiptir fénu milli sveitarfélaganna eftir sömu reglum og hluta sjóðsins í söluskattinum.

Auk þess sem sveitarfélöginn fengu framangreinda nýja tekjustofna, voru með lögum þessum gerðar margvíslegar breytingar á reglum um útsvarsálagningu. Var komið á heildarsamræmingu og margs konar endurbótum varðandi þann tekjustofninn, sem fyrir var.

Aðgerðir þessar marka djúp spor í sögu sveitarstjórnarmála. Þörfin var ótvírað. Ríkisvaldið hafði stöðugt í auknum mæli lagt byrðar á sveitarfélöginn án þess jafnframt að sjá þeim fyrir nýjum tekjustofnum. Þetta ástand ógnaði fjárhagslegum grundvelli sveitarfélaganna og þar með sjálfsforræði þeirra. Mikið nauðsynjaverk hefur því verið unnið. Þeir vita það bezt, sem gleggst til þekkja.

Formaður Sambands íslenzkra sveitarfélaga segir um málið:

„Sambandið (Samband ísl. sveitarfélaga) hefur sérstaka ástæðu til að þakka núverandi ríkisstjórn, og þó sérstaklega Gunnari Thoroddsen, fjármálaráðherra, fyrir að hafa beitt sér fyrir lausn þessara mála, sem svo miklu skipta sveitarfélöginn, en alla fyrirrennara hans hefur annaðhvort brostið skilning á eða kjark til að taka upp til farsællar og réttlátrar úrlausnar.“

(Jónas Guðmundsson, Sveitarstjórnarmál
20. árg. 1960, 1.—2. hefti, bls. 5.)

„Ég ákæri“

Það hefur verið markmið núverandi ríkisstjórnar að koma í veg fyrir kappblaup verðlags og kaupgjalds og halda þannig á efnahagsmálum þjóðarinnar, að ekki leiði til verðbólgu. En verðbólgu meinið hefur þjáð efnahagsstarfsemi þjóðarinnar síðustu áratugina.

Hverjar eru rætur verðbólgu meinsins? Þær hafa verið þær sömu á þessu tímabili.

Eysteinn Jónsson, þáverandi fjármálaráðherra, sagði í eldhúsdagsumræðum á Alþingi 26. febrúar 1951 á þessa leið:

„Rætur meinsins eru þær, að sífellt er í umferð meðal landsmanna meira peningamagn en hægt er að mæta með þeim vörum, sem þjóðin getur keypt fyrir framleiðslu sína og fyrir það fé, sem hún hefur fengið af gjafaframlögum á undanförnum árum. Það eru í raun réttri sífellt gefnar út ávísanir á meiri verðmæti en fyrir hendi eru til skiptanna, gefnar út falskar ávísanir, sem enga raunverulega kaupgetu skapa, sem engum verður gagn að, en viðheldur dýrtíð og verðbólgu, vöruskorti, svörtum markaði og hvers konar misrétti, háum framleiðslukostnaði og framleiðslustöðvunum vegna misheppnaðra tilrauna til þess að flýja undan hækkuðum framfærslukostnaði. Þessar fölsku ávísanir, falska kaupgeta, verður því ekki neinum að gagni né til kjarabóta, en hún verður til þess að draga úr framleiðslunni og rýra lífskjör almennings.“

(Alþingistíðindi 1950, B, bls. 1445—1446.)

Hér er talað af þekkingu byggðri á reynslu. Hér var verið að hvetja til stuðnings við viðreisnarráðstafanirnar, sem fylgdu í kjölfar gengislækkunarinnar árið 1950.

Og rætur meinsins voru þær sömu, þegar gengislækkun þurfti að gera árið 1960 eftir vinstristjórnarævintýrið. En um viðreisnarráðstafanirnar nú segir sami **Eysteinn** í eldhúsdagsumræðum á Alþingi 12. apríl 1962:

„Viðreisnin er fólgin í því að magna dýrtíðina innanlands sem mest og halda jafnframt niðri kaupgjaldi og afurðaverði. Draga um leið úr útlánum og gera með margvislegum hætti sem örðugast fyrir með fjármagn í nýjar framkvæmdir. Minnka með þessu neyzlu og fárfestingu og leggja grunn að nýju þjóðfélagi, með því að draga á allan hátt úr stuðningi við fjárfestingu þeirra, sem ekki hafa fullar hendur fjár, en þeir taki við,

sem mestu fá að ráða. Byrjað var með stórfelldri gengislækkun, frystingu sparifjár og öðrum þeim ráðstöfunum, sem menn kannast við --- þeir, sem fyrir þessu ráða, eru eitthvað undarlega slitnir úr tengslum við starfslif þjóðarinnar. Þeir virðast ekki hafa hugmynd um, hverju athafnasamt myndarfólk getur komið til leiðar, ef því er trúð fyrir peningum.“

(Tíminn — aukablað — maí 1962.)

Hér er orðin breyting á.

Árið 1951 er bölvadurinn of mikið peningamagn í umferð.

Árið 1962 er það of lítið peningamagn, sem bölinu veldur.

Hvað hefur breytzt?

Rætur verðbólguimeinsins hafa vissulega ekki breytzt.

Eysteinn hefur vissulega ekki minni þekkingu nú en áður.

En Eysteinn talaði 1951 eftir beztu vitund, en 1962 gegn betri vitund.

Petta er svo alvarleg yfirsjón, að bezt fer á að Eysteinn sjálfur tjái sig um slikt framferði.

Eysteinn segir:

„Ég ákæri stjórnarandstæðinga fyrir að hafa fallið fyrir freistingu þeirri, sem háskalegust er, að vera ábyrgðarlausir á háskastund og vinna það fyrir von í fylgi þeirra skammsýnustu að vinna skemmdarverk á þeim framkvæmdum, sem þeir sjálfir vita að voru óumflýjanleg nauðsyn. Petta er þung ákæra, en hún er sönn. Nú er það þjóðarinnar að hafa vit fyrir þessum mönnum. Láti hún ginnast, munu bíða enn stórfelldari vandkvæði en enn þá hafa orðið, — en sýni menn þann þroska og skilning að snúa baki við þessum mönnum og fylkja sér til stuðnings nauðsynlegum viðreisnarstörfum. Þótt íþyngja kunni í bili, þá mun þjóðinni takast að komast hjá því allra versta og tiltölulega léttilega vinna bug á öllum erfiðleikum.“

(Úr umræðum á Alþingi 11. maí 1950.

Alþingistíðindi 1949, B, bls. 915.)

Fjárlög og verklegar framkvæmdir

Eitt af því allra þýðingarmesta í framkvæmd viðreisnarstefnu ríkisstjórnarinnar er fjármálastjórn ríkisins. Hún hefur mótazt aðallega af eftirfarandi:

- 1) Hallalaus fjárlög hafa verið lögð fyrir þing og afgreidd fyrir öll fjárhagsárin 1960, 1961, 1962 og 1963.
- 2) Hallalaus ríkisbúskapur hefur verið í reynd öll árin 1960, 1961 og 1962.
- 3) Tekjuöflunarkerfi ríkisins var breytt snemma árs 1960 með lögfestingu söluskatts og lækkun tekjuskatts.
- 4) Síðan 1960 hafa verið afgreidd fjárlög á Alþingi án þess að hækka nokkra skatta, tolla eða aðrar álögur.
- 5) Gagngerð breyting hefur verið gerð á skattalögum með stórfelldum skattalækkunum fyrir allan almenning og skapað heilbrigtr skattakerfi fyrir atvinnureksturinn ásamt gjörbreytingu á framkvæmdakerfi skattalaganna.
- 6) Tollar voru lækkaðir verulega 1961 á ýmsum hátollavörum.
- 7) Allt tollakerfið hefur verið endurskoðað og frumvarp að nýrri tollskrá verið lagt fyrir Alþingi, þar sem gert er ráð fyrir stórfelldri tollalækkun og endurbótum á tollskránni.
- 8) Unnið hefur verið að hagræðingu á fjölmörgum sviðum ríkistarfsseminnar, til þess að lagfæra skipulag og vinnubrögð, spara ríkisfé og bæta þjónustu.
- 9) Stofnaður hefur verið ríkisábyrgðarsjóður í þeim tilgangi, að losna úr því öngþveiti og þeirri óreiðu, sem fyrirhyggjulitlar ríkisábyrgðir höfðu leitt út í.

Hér er aðeins stiklað á hinu stærsta. Róttækar breytingar hafa orðið á stjórn þessara mála í heild. Stjórn ríkisfjármálanna hefur tekið gagngerðum umskiptum frá því sem áður var. Þáttaskil hafa orðið.

Gunnar Thoroddsen, fjármálaráðherra, sagði í fjárlagaræðu sinni 17. október 1961:

,Fjárhag ríkisins verður aldrei bjargað með námasarskap og nírfilshætti, þar sem talinn er eftir hver eyrir og reynt að skera við nögl öll framlög til framkvæmda, menningarmála, lista og félagsmála. Um leið og aðhald og aðgætni er sýnd, verður að hafa fullan skilning og viðsýni til að bera, til að skilja kröfur tímans og hvernig bezt megi þoka áfram menningar- og framfaramálum þjóðarinnar. Fjárhag ríkisins verður ekki borgið með því að skera niður nokkurra króna laun til listamanns eða styrk til námsmanns með því að klípa af lífeyri ekkjunnar og styrknum til öryrkjans. Það, sem hér skiptir

máli, er það að sýna gætni og aðhald og reyna að skipuleggja öll vinnubrögð með þeim hætti, að mannsorkan og vélaaflið nýtist sem bezt. . . I öllu okkar fjármálastarfi virðist mér, að við eigum að hafa tvennt í huga: viðsýni og hagsýni.“

(Vísir 18. október 1961.)

Stjórnarandstæðingar hafa ekki farið miklum viðurkenningarorðum um þær breytingar, sem orðið hafa á fjármálastjórn ríkisins. Hins vegar hefur heldur ekki farið mikið fyrir gagnrýni þeirra. Það er erfitt að gagnrýna, að

- 1) rekinn sé hallalaus ríkisbúskapur,
- 2) endurbætt sé tekjuöflunarkerfi ríkissjóðs,
- 3) skattar og tollar séu lækkaðir og
- 4) sparnaði og hagsýni sé komið að í ríkisrekstrinum.

Árásir á aðgerðir sem pessar eru ekki vænlegar til vinsælda. Þetta hefur stjórnarandstaðan skilið. Þeir hafa því fyrst og fremst beitt gagnrýni sinni að framlögum ríkisins til verklegra framkvæmda.

Í forystugrein í Tímanum 12. október 1962 segir svo um frumvarp til fjárlaga fyrir 1963:

„Ekkert lát verður á samdrættinum í verklegum framkvæmdum ríkisins. Þær eiga enn að minnka. Margir helztu framkvæmdaliðir eru óbreyttir að krónutölu þrátt fyrir stórhækk-aðan framkvæmdakostnað. Má i því sambandi nefna óbreytt framlög til vega og brúa og er slíkt einna hatrammlegast.“

Eysteinn Jónsson sagði í fjárlagaumræðunum á þessa leið:

„Margur spyr, hvort pessar gífurlegu nýju álögur fari ekki til að stórauka verklegar framkvæmdir á vegum ríkisins og að auka framlög til stuðnings uppbyggingu atvinnuveganna. En það er nú óðru nær. Ár frá ári fer nú hlutfallslega minna af ríkistekjunum til verklegra framkvæmda og í mörgum dænum hafa framlög til verklegra framkvæmda, sem mestu skipta, stórlækkað miðað við notagildi fjárins, en það eitt skiptir hér máli.“

(Tíminn 25. október 1962.)

Lúðvík Jósefsson sagði í sömu umræðum á þessa leið:

„Það fjárlagafrumvarp, sem hér liggur fyrir, segir út af fyrir sig ekki mikið. Tölur þess boða að vísu hækkanandi skatta og tolla og minnkandi verklegar framkvæmdir . . .“

(Þjóðviljinn 24. október 1962.)

Hér hafa aðeins verið sýnd daemi af fullyrðingum stjórnarandstæðinga um þetta efni. Aðalþráðurinn í fullyrðingum þeirra hefur verið, að í tíð núverandi stjórnar hafi verið varið minna fjármagni á framlögum til verklegra framkvæmda heldur en í tíð vinstri stjórnarinnar, bæði

- 1) að notagildi og
- 2) í hlutfalli við fjárlagaupphæð.

En hvað er rétt í þessum fullyrðingum? Látum tölurnar tala.

Hér fer á eftir tafla yfir fjárveitingar til helztu verklegra framkvæmda í fjárlögum 1958 og 1963. Hér er eingöngu um nýframkvæmdir að ræða, en viðhald er ekki meðtalið.

Fjárveitingar á fjárlögum til helztu nýframkvæmda.

Millj. kr.

	1958 Fjárlög	Fjárlög 1963	Fjárlög 1963 á verðlagi 1958	Hækkun 1963 frá 1958 á föstu verðlagi
Vegir	24.880	42.300	27.503	10,5%
Bryr	16.308	26.205	17.038	4,5%
Hafnir	13.775	31.500	20.482	48,7%
Flugvellar	6.653	13.212	8.590	29,1%
Skólar	19.828	66.823	43.448	119,1%
Sjúkrahús	8.490	16.730	10.878	28,1%
Samtals	89.934	196.770	127.939	42,3%

Af framangreindri töflu sést, hve gífurleg töluleg hækkun hefur verið á öllum þessum helztu nýframkvæmdum, frá því sem var 1958. En með því að það er ekki réttur mælikvarði á notagildi fjármagnsins, þá greinir í töflunni frá fjárveitingum í fjárlögum 1963, umreknuðum samkvæmt vísítölu byggingarkostnaðar til verðlags í ársbyrjun 1958. Með sliku fæst raunhæfur samanburður á milli ára og kemur þá í ljós, að allir þeir liðir nýframkvæmda, sem tilgreindir eru á töflunni, hafa hækkað að notagildi frá því, sem var á fjárlögum 1958. Og þessi hækkun er veruleg. Hún er að meðaltali 42,3% og einstakir liðir hækka um allt að 119,1%.

Þrátt fyrir þessar staðreyndir hamra stjórnarandstæðingar á því, að nú sé hlutfallslega varið minna í fjárlögum til verklegra framkvæmda en áður var. Þessi fullyrðing er heldur ekki á rökum reist.

Hlutfall ákveðinna fjárveitinga miðað við heildarupphæð fjárlaga er ekki sambærilegt fyrir og eftir viðreisnarráðstafanirnar, nema tekið sé tillit til þeirra breytinga á skattakerfinu, er voru þeim samfara. Með þeim breytingum var byggt til muna meira á óbeinum sköttum en áður var. En af því leiddi, að í sambandi við beina sköttun varð ekki komið við fullnægjandi persónufrádrætti, sem þess vegna var veittur í formi fjölskyldubóta. Pannig hækkaði fjárlagaupphæðin mun meira, — eða sem aukningu fjölskyldubótanna nam, — heldur en sí sköttun, er ríkið fékk í rauninni til venjulegrar ráðstöfunar.

Réttastur samanburður á hlut nýframkvæmda í heildarupphæð fjárlaga fæst með því að færa fjárlagaupphæðirnar 1958 og 1963 nið-

ur um þá upphæð, sem veitt er til almannatrygginga. Enn fremur þarf fyrir árið 1958 að bæta við fjárlagaupphæðina niðurgreiðslum úr útflutningssjóði á innlendum neyzzluvörum og uppbótum á útfluttar landbúnaðarvörur, en hliðstæðar niðurgreiðslur 1963 eru innifaldar í fjárlögum.

	<i>Fjárlög 1958</i>	<i>Fjárlög 1963</i>
	<i>millj. kr.</i>	<i>millj. kr.</i>
Heildarupphæð fjárlaga	804,7	2195,0
Niðurgreiðslur útflutningssjóðs	173,6	—
	978,3	2195,0
Fjárveitingar til almannatrygginga	85,3	434,1
	978,3	2195,0
Aðrar fjárveitingar alls	893,0	1760,9
Helztu nýframkvæmdir	89,9	196,8
Hlutfall nýframkvæmda	10,1%	11,2%

Á þessum samanburði sést, að framlög til nýframkvæmda eru hlutfallslega svipuð nú og síðasta ár vinstri stjórnarinnar miðað við sambærilegar fjárlagaupphæðir. Þó eru nýframkvæmdir nú heldur meiri en áður eða 11,2% árið 1963 á móti 10,1% árið 1958.

Aðalatriðið

í ádeilum stjórnarandstöðunnar á fjármálastjórn ríkisins hefur samkvæmt framansögðu ekki stoð í raunveruleikanum. Famlög ríkisins til verklegra framkvæmda eru ekki minni nú en áður var, heldur þvert á móti. Þau eru hærri, bæði

- 1) að notagildi og
- 2) hlutfallslega.

Petta er um hina þyngstu ádeiliu stjórnarandstöðunnar.

Hvað um þær minniháttar?

Stofnlán til bænda

Pegar Stofnlánadeild landbúnaðarins var sett á fót 1962 með samningu Ræktunarsjóðs Íslands og Byggingarsjóðs sveitabæja, snérust Framsóknarmenn mjög öndverðir gegn þeirri ráðstöfun. Töldu þeir, að bændur myndu framvegis hafa minni stuðning af þessum sjóðum en fram til þess hafði verið. Sjálfstæðismenn héldu hins vegar fram, að með hinum nýja sjóði væri betur tryggður grundvöllur fyrir lánveitingum til bænda en nokkru sinni fyrr. Þeir spáðu því, að reynslan myndi sanna, að með þessari ráðstöfun hefði verið stigið eitt gagnmerkasta sporið í framtíðaruppgöggingu landbúnaðarins.

Hin nýja Stofnlánadeild tók til starfa 1. maí 1962, svo að harla lítill reynslutími er enn fenginn. Þó verður að segja, að vel hafi verið af stað farið, því að árið 1962 voru veitt lán til bænda úr Stofnlánadeildinni samtals 70,4 millj. króna. Er þetta miklu hærri upphæð en nokkru sinni áður hefur verið lánuð á einu ári samanlagt úr Ræktunarsjóði og Byggingarsjóði. Þórir þessi sjó mánaða starfsemi sjóðsins vel samanburð við það, sem áður hefur skeð í útlánum til bænda. Þetta er bezt ljóst, þegar við höfum í huga, að frá árinu 1925—1961 hefur samtals verið veitt lán bæði úr Ræktunarsjóði og Byggingarsjóði 504,8 millj. króna.

Hér fer á eftir tafla yfir stofnlán, sem veitt hafa verið bændum úr þessum sjóðum.

Ár	Ræktunarsjóður	Byggingarsjóður	Samtals
	Millj. kr.	Millj. kr.	Millj. kr.
1925—1930	4,4	1,1	5,5
1931—1940	3,1	2,5	5,6
1941—1950	18,7	24,7	43,4
1951	10,4	8,7	19,1
1952	17,2	9,9	27,1
1953	14,5	9,0	23,5
1954	22,7	10,4	33,1
1955	34,1	9,8	43,9
1956	34,5	10,5	45,0
1957	41,6	9,9	51,5
1958	42,8	9,3	52,1
1959	37,6	5,0	42,6
1960	49,6	13,3	62,9
1961	41,2	8,3	49,5
<hr/>		<hr/>	
	372,4	132,4	504,8
1962			70,4
<hr/>		<hr/>	
			575,2

Fréttabréf miðstjórnar Sjálfstæðisflokkssins nr. 3., mars 1963

Enginn þarf að efast um, að lánaþjóðir landbúnaðarins hafa haft hina mestu þýðingu fyrir uppbyggingu og framfarir landbúnaðarins fram til 1961. En höfum við ástæður til að ætla, að breyting verði á þessu til hins verra með sameiningu hinna gömlu sjóða í Stofnlándeildina 1962?

Magnús Jónsson, bankastjóri, sagði í blaðagrein í Morgunblaðinu þegar 20. júní 1962:

„Ég er ákveðið þeirrar skoðunar, að með lögnum um Stofnlánadeild landbúnaðarins sé traustur hornsteinn lagður að beirri bændahöll, sem bezt gagnar íslenzkum bændum, allsherjar uppbyggingu og framleiðsluaukningu í sveitum landsins, til aukinnar hagseldar því fólk, sem þar býr.“

Stofnlánadeild sjávarútvegsins

Eitt af þeim verkefnum, sem blöstu við, þegar núverandi ríkisstjórn tók við völdum, var að koma fjárhag útgerðar- og fiskvinnslufyrirtækja í viðunandi horf, svo að þau gætu haldið áfram eðlilegum rekstri. Skortur á rekstrarf ér var aðalvandamálið í þessu efni. Til þess lágu fyrst og fremst þær orsakir, að

- 1) verðbólgan hafði étið upp lausafé fyrirtækjanna og gert þau sí-fellt háðari bankalánum til að halda rekstrinum gangandi og
- 2) mikla fjárfestingu hafði verið um að ræða, sem hvorki var hægt að greiða af fjármagnsmyndun fyrirtækjanna sjálfra, né fá eðli-leg lóng lán til.

Afleiðingin varð sú, að rekstrarf ér fyrirtækjanna varð bundið í slíkum framkvæmdum, en í staðinn söfnuðu þau miklum lausaskuldum, sem íþyngdu rekstrinum stórkostlega.

Til þess að stuðla að lausn þessa vandamáls, gaf ríkisstjórnin út bráðabirgðalög í janúar 1961, um nýja lánaflokka við Stofnlánadeild sjávarútvegsins í þeim tilgangi að breyta allmiklu af skuldum sjávarútvegsins til skamms tíma í lóng lán.

Með lögum þessum (nr. 48/1961) og reglugerð var ákveðið, að

- 1) Stofnlánadeildinni skyldi heimilað að afla fjár til þessara lán-veitinga með því að stofna til skuldar við Seðlabankann, en jafnframt skyldu viðskiptabankarnir bæta stöðu sína við Seðlabankann, sem næmi hinum nýju stofnlánum,
- 2) hin nýju lán Stofnlánadeildarinnar skyldu veitt gegn veði í framleiðslutækjum allt að 70% af matsverði, er miðaðist við endur-kaupsverð eignanna, að frádregnum eðlilegum afskriftum, mið-að við rýrnun þeirra frá því að þær urðu til,
- 3) hámarkstími lánanna skyldi vera 10—20 ár eftir því, hvort um væri að ræða veð í vélum, skipum eða fasteignum,
- 4) lánin skyldu veitt fyrir milligöngu og með einfaldri ábyrgð við skiptabanka lánbeiðenda, sem jafnframt hefðu íhlutunarrétt um ráðstöfun lánsins og
- 5) vaxtakjör skyldu ákveðin af stjórn Stofnlánadeildarinnar í samráði við ríkisstjórnina. (En vextir voru ákveðnir $6\frac{1}{2}\%$.)

Pessi ráðstöfun ríkisstjórnarinnar hefur orðið til mikils gagns fyrir sjávarútveginn. Mikill fjöldi fyrirtækja hefur getað breytt lausaskuldum sínum, sem var þeim fjötur um fót, í lóng lán. Hið nýja lánsfé hefur verið greitt inn á reikning viðskiptabanka lántakanda, og bankinn hefur getað ákveðið, að það yrði notað til greiðslu ákveðinna skulda við hann eða annarra skulda til skamms tíma eftir ákvörðun hans.

Í febrúar sl. höfðu 227 útgerðar- og fiskvinnslufyrirtækjum verið veitt hin nýju lán Stofnlánadeildarinnar, að upphæð samtals 354 millj. króna.

Viðbrögð stjórnarandstöðunnar við aðgerðum þessum hafa verið lærðómsrík um vinnuaðferðir Framsóknar og kommúnista.

Stjórnarandstaðan hefur haldið fram, að

- 1) útgerðarfyrirtækin og vinnslufyrirtækin hafi komist á vonarvöl vegna gengisbreytingarinnar og efnahagsmálastefnunnar, sem mörkuð var 1960, og
- 2) hin nýju lán Stofnlánadeildarinnar hafi verið kreppuráðstafanir, til að mæta afleiðingum stjórnarstefnunnar.
En þagað er þunnu hljóði um, að
 - 1) vandamálið hafði skapazt í skjóli hafta- og uppbótakerfisins, sem afnumið var 1960, og
 - 2) hin löngu lán, sem veitt hafa verið, hafa fyrst og fremst gengið til greiðslu á lánum til skamms tíma, sem stofnað hafði verið til fyrir 1960.

Tíu ára rafvæðingaráætlunin

Hugmyndin um heildarrafvæðingu landsins kom fyrst fram með frumvarpi þeirra **Jóns Þorlákssonar** og **Jóns Sigurðssonar** á Reynistað um raforkuveitur til almenningsþarfa utan kaupstaða, sem lagt var fram á Alþingi 1929. Höfuðtalsmaður Framsóknarflokksins í mál-inu, er það kom til umræðu, sagði:

„Hér er því i raun og veru ekki um annað en þjóðnýtingu að ræða, og hún það viðtæk, að stærri þjóðnýtingartillaga hefur aldrei verið borin fram af sjálfum sósialistum . . .“

(Alþingistíðindi 1929, C, bls. 563.)

Sami talsmaður Framsóknarflokksins sagði:

„Það á að styðja sjálfsbjargarviðleitnina og raflysa sveitirnar fyrst og fremst úr þúsundum bæjarlækja og leggja áherzlu á að efla sjálfsbjargarviðleitni í rafmagnsmálum.“

(Alþingistíðindi 1929, C, bls. 605.)

Jón Þorláksson sagði í umræðunum:

„Hér er um það að ræða að koma á umbótum í landinu, sem í okkar augum að minnsta kosti verða að teljast hliðstæðar því, sem vita-, síma- og vegalöggjöf eru hver á sínu sviði.“

(Alþingistíðindi 1929, C, bls. 490.)

Aldarfjórðungi síðar var hugmyndin um heildarrafvæðingu strjál-býlisins tekin fyrst upp á markvissan og skipulagðan hátt.

Pegar ríkisstjórn Ólafs Thors var mynduð árið 1953, var samið um það milli stjórnarflokksins og unnið skyldi að því, að að minnsta kosti 250 millj. kr. yrði varið til rafvæðingar viðsvegar um landið á næstu tíu árum, þ. e. a. s. á árunum 1954—1963. Með lögum frá apríl 1954 var svo slík fjárfesting endanlega ákvæðin.

Með tilliti til pessarar ákvörðunar var gerð áætlun um framkvæmdir. Pégars í árslok 1954 voru framkvæmdir ákvæðnar, en ekki lá þó fyrir þá nema lauslegt stofnkostnaðaryfirlit. Hljóðaði það upp á samtals 314 millj. kr. Á árinu 1955 var svo bætt við þetta yfirlit rafveitum fyrir 29 millj. kr., miðað við verðlag ársins 1954, og hækkaði þá heildarupphæð yfirlitsins upp í 343 millj. kr. Þessi upphæð sundurliðaðist þannig:

Orkuver og aðalorkuveitur	177,9	millj. kr.
Stofnlínur til kaupstaða og kauptúna	27,1	—
Sveitaveitur	100,0	—
Innanbæjarveitur í kaupstöðum og kauptúnum ...	38,0	—
Samtals	343,0	millj. kr.

Fréttabréi miðstjórnar Sjálfstæðisflokkssins nr. 3., mars 1963

Þegar þetta yfirlit lá fyrir, gat verið spurning um, hvort ekki væri eðlilegt að fella strax burtu þær veitur, sem sízt komu til álita, þannig að heildarupphæðin yrði 250 millj. kr., eins og upphaflega var gert ráð fyrir. Það var þó ekki gert, en í ársbyrjun 1959 var ákvæðið að fresta ýmsum veitum, sem miðað við verðlag ársins 1954 áætluðust kosta 66 millj. kr. Eftir þá breytingu var heildarupphæð stofnkostnaðaryfirlitsins komin niður í 277 millj. kr. Við þessa endurskoðun breyttuðst að nokkru áætlunar um sveitaveitur án þess þó, að heildartölu byla á veitunum væri breytt, eða áætluð fjárhæð til sveitaveitna væri lækkuð. Hins vegar sundurliðaðist lækkunin þannig:

Orkuver og aðalorkuveitur	52,7	millj. kr.
Stofnlína til kaupstaða og kauptúna	13,3	— —
Samtals		66,0 millj. kr.

Kostnaður framkvæmda hefur farið langt fram úr kostnaðaráætluninni 277 millj. króna, miðað við verðlag og peningagengi ársins 1954. Ýmsar ástæður koma hér til. Meginástæðan er breyting verðlags og gengisfellingar íslenzku krónunnar og ennfremur kemur til, að ýmsar framkvæmdir hafa orðið hjá Rafmagnsveitu ríkisins, sem ekki voru taldar með í hinni upprunalegu tíu ára áætlun.

Stofnkostnaður af mannvirkjum Rafmagnsveitna ríkisins samkvæmt tíu ára áætluninni hefur verið sem fram kemur á eftirfarandi töflu.

Ár	Orkuver og aðalorkuveitur	Stofnlínur,	
		Millj. kr.	sveitaveitur og innanþærjarkerfi
1954	6,1	17,5	23,6
1955	13,0	20,5	33,5
1956	34,5	23,8	58,3
1957	49,6	24,8	74,4
1958	93,8	24,1	117,9
1959	44,2	23,2	67,4
1960	57,7	35,1	92,8
1961	27,6	25,7	53,3
1962	36,1	40,3	76,4
	362,6	235,0	597,6

Auk þessa kostnaðar, sem er samtals 597,6 millj. kr., kemur til viðbótar 130,6 mill. kr., sem eru hækkanir, er hafa orðið á áhvílandi erlendum lánum Rafmagnsveitna ríkisins vegna gengisbreytinga íslenzku krónunnar og yfirfærslugjaldar, sem sett hafa verið á þessu

tímabili. Þegar þetta er reiknað með, nemur stofnkostnaður þeirra framkvæmda tíu ára áætlunarinnar, sem falla á árin 1954—1962, samtals 728,2 millj. kr. í íslenzkum gjaldeyri miðað við núverandi gengi.

Hér fer á eftir tafla, er gefur til kynna, hvernig fjár hefur verið aflað til að mæta framangreindum stofnkostnaði, svo og öðrum eignaliðum og rekstrarhalla Rafmagnsveitnanna á þessu tímabili. Er hér miðað við árslok 1962.

Út:

Stofnkostnaður 10 ára áætlunarinnar	728,2	millj. kr.
Annar stofnkostnaður 1954	56,4	—
Rekstrarhalli	78,7	—
Aðrir eignariðir	39,0	—
	902,3	millj. kr.

Inn:

Erlend lán	384,4	millj. kr.
Innlend lán, föst	119,4	—
Innlend vörulán	26,1	—
Innlend lán, ýmis	67,6	—
Eigið fé raforkusjóðs	106,9	—
	704,4	millj. kr.
Heimtaugargjald	52,9	millj. kr.
Ríkisstyrkur til sveitaveitna	87,8	—
Afskriftir	57,2	—
	197,9	—
	902,3	millj. kr.

Stofnkostnaður tíu ára áætlunarinnar skiptist á framkvæmdir þannig:

Aðalorkuveitur og orkuver	463	millj. kr.
Stofnlínur, sveitaveitur og innanbæjarkerfi	265	—
	728	millj. kr.

Hér hafa verið rakin meginatriðin í tíu ára rafvæðingaráætluninni.

Framsóknarmenn hafa sína eigin söguskýringu á því, sem gerzt hefur. Í forustugrein í Tímanum 13. maí 1958, er fjallaði um framkvæmd raforkuáætlunarinnar, segir svo:

„*Það kom, eins og vænta mátti, í hlut Framsóknarmanna, að hefja þetta merki. Skrumið og orðagjálfrið skorti ekki hjá ihaldinu fremur en endranær, en viljinn til athafna var ekki viðlátinn.*“

Slíkt skraf haggar ekki staðreyndum. Verkin tala.

Sjálfstæðismenn leggja nú höfuðáherzlu á að ljúka framkvæmd tíu ára áætlunarinnar og síðan halda verkinu áfram, unz að fullu verði náð því takmarki, að allir landsmenn búi við rafmagn.

Ingólfur Jónsson, raforkumálaráðherra, sagði á landsfundi Sjálfstæðisfloksins 20. október 1961:

„Eftir lok tíu ára áætlunarinnar 1964 munu 182 þúsund manns hafa fengið rafmagn. En um 8 þúsund manns, eða 4% þjóðarinnar, verður þá án rafmagns. Athugun er hafin á því, hvernig leysa megi rafmagnsmál þeirra byggða, sem eru utan við tíu ára áætlunina.“ (Landsfundarskýrsla 1961, bls. 62.)

„Stórfelld hringavitleysa“

Kommúnistar telja sig vera útvalda baráttu- og hvatamenn að almannatryggingum. Ekki ósjaldan eiga þeir til með að bera fram til-lögur og yfirboð um eflingu almannatrygginga. Þetta brýtur að vísu gegn kenningum þeirra um, að allar félagslegar umbætur í borgaralegu þjóðfélagi séu gagnslausar og raunar til ills eins, slíkt sé ekki nema til að framlengja líf hins dauðadæmda auðvaldsþjóðfélags og seinka tilkomu framtíðarrikis öreiganna. En ekki hentar þeim í lýðskrumi sínu að halda á lofti kenningum Lenins og Stalins um þessi efni. Hins vegar standa þær kenningar ávallt nærri hjarta hvers sanntrúaðs kommúnista. Og stundum gægjast úlfshárin undan sauðgærunni. Gott dæmi um þetta fyrirbrigði eru viðbrögð kommúnista við þeirri miklu eflingu almannatrygginga, sem núverandi ríkisstjórn hefur komið í framkvæmd.

Í forustugrein í Þjóðviljanum 1. febrúar 1962 segir svo um hinar auknu tryggingarbætur og þýðingu almannatrygginga:

„ - - - *Pegar kemur að því að telja fram til skatts, eiga menn að bæta fjölskyldubótunum við hinum upphaflegu tekjur sínar. Það á þannig að jafngilda tekjuhækkun, þegar menn þurfa að sækja hluta af kaupi sínu tvívar sinnum. Og þessi tilbúna tekjuhættun kemur síðan fram á skýrslum Hagstofu Íslands um kaup og kjör og er notuð af stjórnarvöldunum, sem röksemð um vaxandi velmegun almennings. Pégar menn fá þannig hækkaðar árstekjur sínar á pappírnum, eiga þeir einnig að greiða hærri skatta og útsvör. Bæjarfélög og ríki koma þannig enn til skjalanna og hremma hluta af þeirri upphæð, sem menn unnu upphaflega fyrir, greiddu síðan í söluskatt og sóttu því næst inn í Tryggingastofnun. Þar með er hringrásinni þó ekki lokið. Þessi tilbúna tekjuhækkun varð til þess að skattar til ríkisins hækkuðu. Þá bjó ríkisstjórnin til lög um skattalækkun, sem að vísu færði auðmönnum langmestan ábata, en skilaði þó almenningi nokkrum krónum einnig. Og stjórnarblöðin birtu stórar fyrirsagnir og langar greinar um veglyndi ráðherranna og hinn mikilsverða árangur af viðreisninni. Þannig hefur verið búin til stórfelld hringavitleysa. Menn fá fyrst borgað kaup, greiða síðan hluta af því í söluskatt, fá endurgreitt brotabrot í fjölskyldubótum, verða að greiða aukin opinber gjöld vegna fjölskyldubótanna og fá síðan hluta af hækkuinni lækkaðan á nýjan leik.“*

Hér blasir við fyrst og fremst hyldýpi forherðingar og fyrirlitningar á almannatryggingum,

- 1) mannúðarsjónarmiðum þeim, sem til grundvallar liggja, og
- 2) tilgangi þeirra til samhjálpar og tekjujöfnunar milli þeirra, sem miður mega sín, og hinna, er betur mega.

Í augum sanatrúaðra kommúnista eru almannatryggingar svikamylla. En stórfeld hringavitleysa má það vera, þegar farið er að telja þeim, sem trygginganna njóta, trú um slikt hið sama.